



1 4  
1544  
158



14  
1544  
158

淡墨錄卷十三

綿州 李調元 兩村

詩墨

金銓字雨叔號海任仁和人由雍正癸卯舉人官國  
子監學正乾隆七年壬戌會試第一名殿試一甲第  
一名進士及第授修撰官至內閣學士兼禮部侍郎  
著有兩叔詩墨人皆誦之是科榜眼楊述曾字二司  
陽湖人薦舉博學鴻詞探花湯大紳字孫書號葑園  
陽湖人俱授編修

新城隍

淡墨錄

卷十三

14  
1547  
158

淡墨錄卷十三

詩墨

綿州 李調元 兩村

金銜字雨叔號海住仁和人由雍正癸卯舉人官國  
子監學正乾隆七年壬戌會試第一名殿試一甲第  
一名進士及第授修撰官至內閣學士兼禮部侍郎  
著有兩叔詩墨人皆誦之是科榜眼楊述曾字二司  
陽湖人薦舉博學鴻詞探花湯大紳字孫書號葑園  
陽湖人俱授編修

新城隍

淡墨錄

卷十二

胡鵬南福建連江人乾隆七年壬戌進士改庶吉士授編修改御史巡視中城一日聞姊病往視之姊已昏迷聞胡至聳然而起曰弟來視我甚善然弟宜速歸胡不肯姊起用手推之家人子弟不解其故胡既去姊語家人曰我方死去押差將我送至城隍廟路遇旌旗身役曰舊城隍陞去新城隍到任汝且將女犯押回問新城隍何人曰吏科給事中胡鵬南也我驚醒不意鵬南卽坐我床上故我勸令還家汝等可速往視之如其言胡已沐浴朝服而逝矣胡乃袁圃座師親爲人言

### 石亭公傳

南滙吳冲之省欽余同年也官侍講時工古文爲先君作傳序事潔淨人皆稱其簡老有法傳云李化楠字廷節綿州羅江人石亭其號也爲人壯貌雄偉氣度豁達幼與羣兒戲公自爲官兩兒設爲兩造有狡黠不以理訴者變色撲之羣兒卒輸情受杖而去識者知之曰此他日循良吏也乾隆七年舉進士十七年令餘姚姚邑故瀕海賦重民玩多去而爲盜公以次掩獲構屋三十餘間扁之名曰枉生所責城中技能之師假官錢爲資本授以所業業成其師具狀領保而出

終其身不復犯值歲饑公差其輕重預記烟戶大小以待賑賑務爲全浙冠調秀水復攝平湖前令翟某在湖七年積案至三千有奇公計日定程飲食皆在堂上早午晚決訟若干件任民觀聽民爲之語曰雲霧七年三月見天而令甲州縣吏本任不以繁調繁去之日湖人傾城走送哭聲震野浙撫今直隸總督楊公以治狀聞會丁文林公憂服除特旨以同知發直隸補用假牧滄州州盜數各省按提者如蝟君籍戶口狀貌小字無不實以是隨提隨得曹家庄多回種日殺牛聚會夜則四散爲奸公忽于夜半挾弓矢

率健卒數十人擒其魁餘論治如法盜爲之空假涿州補天津府同知以內艱去服除仍赴直隸候補假牧霸州薊州補宣化府同知調順天府北路同知督密雲懷安平谷城工懷餅餌以油傘自蔽巡歷烈日中一磚一石毋有礙濫又兼攝密雲縣事是時京師奸人剪辮髮者蔓連數省無佐証北路有張二者爲讐人誣告公知其寃而行在慮囚甚急公以獄詞未定拒不發已挂吏議旋經大臣察其實奏請寬免事始解上行圍木蘭公匍伏道旁上笑謂扈駕諸臣曰是李化補耶可謂強項矣人謂上有嚮用意即

大府益倚重公密雲令任某以事被劾公讞得實矣  
有齟齬公者力持之而公素肥碩令浙時痰常上迷  
至是又患怔忡祀竈日以事過都門購參餌自隨越  
二日入會城命從者瀹茶忽解所佩刃自傷茶至從  
者驚相呼公躍然曰吾安得血被手耶創未深然亦  
竟不治聞者皆詫嘆有泣下者後任某卒以贓置重典  
而力持者亦得罪戍邊衛以去人以是服公神明云  
公讀律成誦凡案牘皆手自評斷嘗言居官有六字  
訣眼到身到心到又曰一籤一票沒要緊當之者一  
峯矣精九章法穀儲有不能算者一布指即知其

數其所治皆極衝 時巡秋獮供頓立辦無浮費無  
肅派也通籍後祿養甚至其啣卹也會葬者千人於  
雲龍山立家祠置田贍族少時耕且養據隴上挾書  
而哦少情文林公即擲以礫故公左領有癡羅江入  
本朝未有成進士者公蓋破天荒云藏書數萬卷  
皆自浙載歸他生產不復問所撰族譜二卷治畧四  
卷石亭詩十卷子三調元癸未進士內閣中書授翰  
林院庶吉士改吏部文選司主事譚元國學生聲元  
出爲弟化梗後贊曰公以壬申校浙圍得沈君祖惠  
爲解首儒林多稱之要其獲上治民不媿古循吏矣

疾由心作天若基之然公之沒未幾而忌公者旋以  
他事敗密雲亦卒如君所讞天人之理固若斯不爽  
也抑可以無恨矣

澄海樓聯句

乾隆八年十月十六日 上自盛京歲事還京道入榆關  
登澄海樓望海雪霽千峰波明萬頃天容海色洵屬  
奇觀時張照梁詩正侍從因奉 命聯句凡字畫涉水部  
者概不用仿歐陽咏雪禁體也 御製康回昔憑怒使  
地東南傾太始本無始常盈是不盈雙丸出其裏元氣  
鼓爲營島嶼獲拳石 張照 御製軒樓敞綉甍籠葱疑

貝闕髣髴見瑤京鞭石橋終斷噓烟市乍更星槎何

處轉鼉柱若爲擎邈矣端倪豁 梁詩正 御製雄哉氣

象嶂禹功思四載秦業剝孤城萬壑朝宗此繼珠薈

納并由來無守土亘古只空明直上到天險 張照

御製橫陳據地振目迷光晶皓耳駭聲碎轟精衛填

難盡長虹駕可成三壺遠縈帶重巖銷飛鯨賦羨木

華博 梁詩正 御製詩吟玉局英平鋪歷劫雪喜遇初

冬晴望曠會聞若來遊誰遂靖內光含煜煜陰火涼

熒熒絕域隨風遠 張照 御製方諸應月呈坎重不

失信天一乃居貞比樂韶觀止如山聖景行空傳香

象蹈謬執窄蠹評有以謙能受 梁詩正 御製虛將

自自生苞乾恢度量吐日煥晶瑩永奠寰區晏仙鄉

底問程乾隆十有九年秋 上命吉林至盛京恭謁 三

陵禮成旋蹕以孟冬二日入關再登澄海樓距癸亥

前遊周紀吳星霜亟易風景猶新爰 命舉成例 命

汪由敦劉綸用禁聯疊前韻既暢登臨並誌歲月云

御製坤載既盤礴坎德靡虧傾脉屬天地氣量應

朝夕盈朱垠暨闕廣朔野奄幽營再尋臨碣石 汪由敦

御製重登俯雕甍梁適待予舍張鸞返仙京壁詩

猶好在屋籌凡幾更螺丸大塊黠員負岑樓擎霞

傍檻矗 劉綸 御製雲嶠對臆崢東叟尋蓬嶼巨蜃吹

層城霧露不辭受壑谷容來并雲錦織旭紫玉繩接

通明陽侯逞凌軼 汪由敦 御製嶽祗恣礎振斫陣

萬馬駭突圍千牛轟禁體續前例罰期巖後成教毫

蘸勺蠡犒餉投長鯨志怪蹟誰覈 劉綸 御製求真

才豈英一杯納日月億劫噓陰晴底事稱白露奚從

欸紅蜻爰居享鞞駁室眩煌熒藏積梵書列 汪由敦

御製鉅最韓碑呈何無復何有曰虛亦曰貞赤石

靈運進綠綺成連行遠航越裳候奇賈賈胡評隱娥

歸墟守 劉綸 御製颶母舶趨生珊瑚周其趾蠟珠



燦厥瑩壯觀向空廓郵籤慢促程洵 聖朝佳話也

誣告解元

乾隆九年甲子馮香山秀才夢神告曰今歲江南鄉  
試題樂則韶舞馮次日卽作此題文熟誦之入闈果  
是此題以爲必售榜發無名就館廣東夜間獨步聞  
二人呼陪聲聆之其闈中所作文也一人誦之一人  
拊掌曰佳哉解元之文馮竊疑以爲是科解元必割  
截卷面偷其文字辭館入都以狀具控禮部部爲奏  
聞行查江南解元薛觀光文雖不佳並非馮稿獲  
誣告之罪發配黑龍江

鄂文端不廢科目

乾隆九年兵部侍郎舒赫德上廢科目疏時首相鄂  
文端公爾泰持議力駁得以不廢其原疏云科舉憑  
文而取案格而官已非良法况積弊已深僥倖日衆  
古人詢事考言其所言者卽其居官所當爲之職事  
也今之時文徒空言而不適於用此其不足以得人  
者一墨卷房行輾轉抄襲膚詞詭說蔓衍支離以爲  
苟可以取科第而止其不足以得人者二士子各占  
一經每經擬題多者百餘少者不過數十古人畢生  
治之而不足今則數月爲之而有餘其不足以得人

者三表判可以預擬而得答策隨題敷衍無所發明其  
不足以得人者四且人材之盛衰必于心術之邪正  
今之僥倖求售者弊端百出探本清源應將考試條  
款改移而更張之別思所以遴拔真才實學之道等語  
文端公駁曰謹按取士之法三代以上出於學漢以後出  
於郡縣吏魏晉以來出于九品中正隋唐至今出于  
科舉科舉之法每代不同而自明至今則皆出於時  
藝三代尚矣漢法近古而終不能復古自漢以後累  
代變法不一而及其既也莫不有弊九品中正之弊  
毀譽出於一人之口至於賢愚不辨閹閹相高劉毅

所云下品無高門上品無寒士者是也科舉之弊詩  
賦則祇尚浮華而全無實用明經則專事記誦而文  
義不通唐趙匡舉所謂習非所用用非所習當官少  
稱職吏者是也時藝之弊則今舒赫德所陳奏是也  
聖人不能使立法之無弊在乎因時而補救之蘇軾有  
言觀人之道在于知人知人之道在于責實蓋能責實則  
雖由今之道而振作鼓舞人才自可奮興若專務循  
名則雖高言復古而法立弊生於造士終無所益今  
舒赫德所謂時文經義以及表判策論皆為空言勦  
襲而無用者此正不責實之過耳夫凡宣之於口筆

之於書者皆空言也何獨今之時藝爲然且夫時藝  
取士自明至今殆四百年人知其弊而守之不變者  
非不欲變誠以變之而未有良法美意以善其後且  
就此而責其實則亦未嘗不適于實用而未可概嘗  
毀也何也時藝所論皆孔孟之緒餘精微之奧旨未  
有不深明書理而得稱爲佳文者今徒見世之腐爛  
抄襲以爲無用不知明之大家如王鏊唐順之瞿景  
淳薛應旂等以及國初諸名人皆寢食夢寐于經  
書之中冥搜幽討殫智畢精殆於聖賢之義理心領  
神會融液貫通然後參之經史子集以發其光華範

之規短準繩以密其法律而後乃稱爲文雖曰小技  
而文武幹濟英偉特達之才未嘗不出乎其中至於  
奸邪之人迂懦之士本於性成雖不工文亦不能免  
未可以爲時藝咎若今之抄襲腐爛乃是積久生弊  
不思力挽末流之失而轉咎作法之涼不已過乎卽  
經義表判策論等苟求其實亦豈易副經文雖與四  
書並重而積習相沿慢忽旣久士子不肯專心肄習  
誠有如舒赫德所云數月爲之而有餘者今若著爲  
令甲非工不錄則服習講求爲益非淺表判策論皆  
加覈實則必淹洽乎詞章而後可以爲表通曉乎律

令而後可以爲判必有論古之識斷古之才而後可  
以爲論必通達古今明習時務而後可以爲策凡此  
諸科內可以見其本原之學外可以驗其經濟之才  
何一不切于士人之實用何一不見之於施爲乎必  
變今之法行古之制則將治宮室養遊士百里之內  
置官立師獄訟聽於是軍旅謀於是又將簡不率教  
者屏之遠方終身不齒其母乃徒爲紛擾而不可行  
又况人心不古上以實求下以名應興孝則必有割  
股廬墓以邀名者矣興廉則必有惡衣非食弊車羸  
馬以飾節者矣相率爲僞其弊尤繁甚至借此虛名

以于進取及乎蒞官之後盡反所爲至庸人之不若  
此尤近日所舉孝廉方正中所可指數又何益乎若  
乃無大更改而仍不過求之語言文字之間則論策  
今所見行表者賦頌之流是詩賦亦未嘗盡廢至於  
口問經義背誦疏文如古所爲帖括者則又僅可以  
資誦習而於文義多致面墻其餘若三傳科史科名  
法書學算崇文宏文生等或駁雜放紛或偏長曲技  
尤不足以崇聖學而勵真才矣則莫若懲循名之失  
求責實之效由今之道振作補救之爲得也我皇  
上洞見取士源流所降 諭旨纖悉坐照司文衡職

課士者果能實心仰體力除積習杜絕僥倖將見數  
年之後士皆束身詩禮之中潛心體用之學文風日  
盛真才日出矣然此亦特就文學而言耳至於人之  
賢愚能否有非文字所能決定者故立法取士不過  
如是一而治亂盛衰初不由此無俟更張定制爲也舒  
赫德所奏應毋庸議八月十四日奏奉 旨所議是  
科目不廢者文端公之力也

恩赦夾帶

乾隆十三年二月初八日會試頭場搜檢各省舉子皆  
無夾帶惟有浙江沈嵩曾一人有細字一張係三場

袁子才詩

袁枚字子才號簡齋錢塘人薦舉博學鴻詞乾隆四  
年己未二甲三名進士選庶吉士初朝考題爲因風  
想玉珂欲刻劃想字句云聲疑來禁院人似隔天河  
諸總裁以語設不莊將置孫山尹文端繼善時爲大  
司寇力爭曰此人肯用心思必年少有才者尙未解  
應制體裁耳此庶吉之所以必需教習也倘進呈時  
上有駁問我當獨奏羣議始息袁之得與館選受尹  
公知從此始未幾 上命公教習庶吉士枚獻詩云  
琴夔已成焦尾斷風高重轉落花紅散館改江南沐

陽令風骨錚然不阿權勢引經折獄有儒吏風時民  
有娶婦者甫五月生一子鄉黨笑之其人不能堪以  
先孕後嫁訟其父翁越日集訊于庭觀者如堵枚盛  
服而出向其人舉手賀其人色愧俯伏座下枚曰汝  
鄉愚可謂得福而不知者矣繼問其婦翁汝讀書識  
字否對曰未也枚笑曰今日之訟正坐兩家不讀書  
自古白鹿投胎鬼方穿脅神仙荒誕固不必言而梁  
嬴之孕逾期孝穆之胎早降有速有遲載于史冊總之逾  
期者感氣之厚生而主壽早降者感氣之清生而主  
貴主壽者若堯與舜諒爾亦聞主貴者不必遠徵卽

周覽號舍軫勞舉子辛勤御製七律四章勒石至  
公堂登觀象臺省視儀器自古帝王未有之盛舉也

稼軒山水

錢維城初名辛來其父夢辛稼軒而生故名後改今  
名乃字稼軒以應夢兆乾隆十年乙丑科前四月夢  
行天榜狀元爲金谿李建中已爲探花榜眼不著姓  
名後榜發公爲狀元而李建中竟在二甲以知縣別  
亦不可解子不語授修撰入直內廷屢遷至工部侍郎  
調刑部侍郎工山水邱壑幽深氣韻沉厚迥不猶人  
其座主錢香樹云稼軒自幼出筆老幹秀骨天成通

籍後又得力于東山者也

書徵錄

東山董公邦達也

### 莊夢未醒

閣學武進莊方耕存與乾隆十年乙丑榜眼累司文  
衡酷好短篇所取闈墨不過三百字卽間有至四百  
字者而元文必短士子見其來率以假成宏規模應  
之所謂賣假古董也其中亦有故以千尋之才入咫  
尺之短而中者然要之以皮毛弋獲者居多而莫甚  
于二十三年浙江鄉闈所取解元高毓龍者烏程監  
生也本不讀書隨其父某在任所辦事是科方耕借  
編修山東勸愷典試高方從任所歸人言今科士考

好短篇只消隨筆寫數行便可望中高自發蒙成篇  
後卽出外奔馳空跡久矣聞之心喜亦隨衆觀場首  
藝題爲顏淵曰願無伐善無施勞子路曰願聞子之  
志高不知文法直作兩比寥寥數語首尾俱無起結  
莊搜落卷已爲詩五房房考朱濟所抹濟字約齋寧  
夏舉人卽烏程令也莊得之大喜以爲元朱力爭此  
文稚氣未除浙江文獻之區以發解恐人訕笑莊素  
剛愎堅不肯從既定元以爲必各宿也勒畏其勢不  
敢開口榜發見係監生又素無名望乃心悔之時先  
北路亭公宰秀水亦在內簾分禮記房考親見其事

高二三藝潦草皆莊爲之代作發刻今尙有莊所改  
高原稿本房魁爲仁和王學濂亦素無名望與高同  
皆主考搜落卷而得之者浙人集唐詩二句嘲之曰  
莊夢至今猶未醒鞠花從此不須開

三弟子

王際華字秋瑞號白齋錢塘人乾隆十年乙丑第一  
甲第三名進士及第授編修丁卯順天同考官歷陞  
至侍讀學士十五年庚午典湖北遷內閣學士兼禮  
部侍郎晉戶部尙書兼署刑部二十八年癸未會試  
大總裁余座師也充禮部總裁今兩朝三品以上用

全紅六品以上用紅罩青綠未入流以上用青罩紅  
綠庶民用純青公所定也初公入學時年才十七偶  
游潮鳴寺夢影堂老僧以線香五十四枚與之曰我  
有三弟子一夢麟一錢維城一汝也汝將來司刑各  
時當超度某案再來皈依原位公秘而不言後果至  
大司農兼司寇壽五十四而終

揣元得元

蔣元益字希元一字漢卿號時庵蘇州長洲人十三  
歲作文呈義門先生卽爲所賞十四歲從沈篁郵先  
生學書法己酉二十二歲中式九十五名座主爲大



廷尉長汀黎公宮允安溪李公後官少宗伯房師爲江西丁酉孝廉安仁姜公隣省進士舉人入簾創始此科後行三科而罷是年八月元益入頭場祖母顧太夫人夢天門開一星冠羽衣人自日中出手持黃紙一卷冉冉而下自言我斗府真人也太夫人篤信二氏教亟拜之因問我孫鄉試有名否真人不答展手中黃紙示之有金書二大字卽蔣也醒以語榮祿公因以名之丁已三十歲考取中書三十八歲自推祿命利東南木火之鄉是歲爲丙運乙年庶幾有合而江右日者高長春以星盤限度俱佳必當掄元

遂極意揣摩時制義多濃郁竊意此種文字者不少似難與爭鋒不若守其故我清矯拔俗或亦制勝之道元益題紙下念題極閒冷濃則不稱清乃肖題遂率意一揮日未下春三藝已就四月十一榜發哀然爲舉首座主相國史文靖公以爲飄飄有仙氣列進呈第七卷蓋兩錢師會試皆第七仿古人傳衣鉢故事也御覽十卷畢以第一卷文太縛不如七卷清真御筆親改第一名及廷試對策冷墨點汚卷不知所自來意欲刮補執事諸公僉云刮補難以進呈實爲可惜不如換卷重寫二鼓始完憶重寫一策

字擬第四卷究以重字臨進呈易去及讀卷時每折一卷上必問會元在那裏衆未對問至三阿文端公對以不在內自六卷以下遂不復拆名朝考取第五各揀選一等引見時上顧閣臣曰這是會元遂得館選教習癸酉提督山西學政壬午提督山東學政己卯在山右將得替時夢至一大署顏曰見此堂及是登四照樓有扁曰悠然見南山可見事皆前定也陞鴻臚寺少卿光祿寺少卿太僕寺少卿陞通政司副使擢順天府府尹上亦稱許謂氣度甚類汪由敦大有可造陞都察院右副都御史內閣學士

兼禮部侍郎己丑陞兵部右侍郎甲午典試浙江鄉試九月甫出闈卽拜視學江右之命丁酉郵事回京子方祝學廣東相遇于廬山東林寺攀談久之戊戌致仕戊申年八十一卒

### 解元得名宿

李因培字鶴峯雲南晉寧人乾隆十年乙丑二甲九名進士改庶吉士授編修陞閣學十七年典試浙江得解元嘉興李祖惠人服其子房考卽先北路公也二十七年督學江蘇考至淮安方唱名正躊躇間地大震轅外旗竿被龍攫入雲中不知所往河水暴漲與高

家堰相齊河督高公及各廳官面如土色皆去西風  
一大則淮揚休矣方恐怖間忽轉東風天低若蓋將  
壓人頭見黑龍在雲中拖尾取水數捲後頃刻之間  
洪澤湖水低三丈人心大安龍之鱗甲金光四射惟  
頭角則不可見此石埭縣教官沈公雨潭所目擊者  
官至湖北巡撫

可當秀才二字

史貽謨字休堂溧陽人乾隆乙丑進士改庶吉士授  
編修晉司經局洗馬兼翰林院修撰丙子順天鄉試  
房考官戊寅提督四川學政乙卯余補科考拔置一

等第一謂諸生日余考蜀三年未見一秀才此方可  
當秀才二字賞花紅日以余卷命成資綿諸生共閱  
文字策詩以為法即日命給雙花紅從中門出送入  
錦江書院肄業是科余中五名癸未會試第二名先  
生常為人言以憂歸不出平生知己之感莫甚於此

解元四六

乾隆十二年丁卯順天解元紀昀獻縣人時房考吏  
部員外郎陳鏗見前場三藝已呈薦元矣閱至二場  
表乃知古作尤為冠場亟呈兩主司驚以為子雲復  
生遂錄進呈今錄出以見先生少年筆墨尤為峯秀

學山瀾清筆海云擬乾隆十一年上特召宗室廷臣  
分日賜宴瀛臺賦詩聯句賞花釣魚賜賚有差  
羣臣謝表伏以皇慈霧洽雅叶夫酒醴笙簧聖  
渥入浮道契夫賡歌颺拜秋深桂苑蓼蕭沾濃露之  
華日麗緡峯葵藿依太陽之照集公姓公族以式燕  
玉牒生光合大臣小臣以分榮冰銜動色靈槎八月  
直同海客之遊廣樂九成似返鈞天之夢屏藩有慶  
簪組騰歡臣等誠惶誠恐稽首頓首上言竊惟世道  
昇平著太和於有象朝廷清暇敷愷樂以無疆鼓吹  
休明必有詠歌之作潤色鴻業爰申燕樂之文故象

協鳳梧誌卷阿之雅會興傳魚藻留鎬邑之遺風鹿  
鳴以下共六詩君歌臣答白華而後爲一什誼美恩  
明天王燕則諸侯毛司儀夙傳其職掌正歌備而太  
師告禮經亦著于典章在先王皆具有明徵及後世  
乃別名曲宴相梁臺上藩封以迨於卽官葡萄宮中  
宰執兼隨以學士五王共宴花萼樓頭三等分評曲江  
亭畔咸亨之會二王同太子俱從麗正之筵兩相暨  
禮官咸在情契荆枝之句興慶移鑾詩吟花柳之天  
樂遊置酒莫不燕衍于服豫用以祝頌夫太平然而  
大陵享神歸藏旣誕洞庭張樂莊叟尤夸汾水新詞

不入西山之錄瑤池舊事浪傳  
波冢之書雖有其文  
蓋無足道至于寧哥噴帝黃幡  
綽於以解嘲婉兒評  
詩宋之問問其警句研光唱小  
汝陽旋舞以簪花飛  
白書成常侍登牀而乞字每嫌  
輕薄豈曰風流未有  
沐浴深仁醉以酒而飽以德昭  
宣盛典禮同節而樂  
同和如今日者也茲益伏遇  
皇帝陛下虹壁當陽  
龍圖啟運澤洽四表薰風入舜  
帝之琴德託八荒瑞  
露浮高辛之甕雲生於脯松生  
於棟無為寧萬化之  
原樂以為御德以為車有道識  
一人之慶固已民康  
物阜不殊華胥之遊遠又邇安  
宛似春臺之樂九年

耕而三年食世登含哺鼓腹之  
天十日雨而五日風  
人識位育中和之化史官載筆  
于玉署頻登大有之  
書 天顏有喜于瑤階爰下推  
恩之典用相交於上  
下務兼備夫情文乃移法駕之  
清塵焚香灑酒聿舉  
趨陂之高會鼓瑟吹笙乘泰運  
者百三年再行曠禮  
過中秋者十二日先及懿親或  
慶衍於螽斯或派分  
於麟趾文昭武穆盡周家子姓  
之班東平河間皆漢  
室宗盟之望昔年故事曾栽桐  
葉以分圭此際遭逢  
更叶棣花以侍宴未央二十萬  
之賜方此未多唐皇  
十六宅之榮覺其尙陋迨乎翼  
日遂及羣臣齊望後

淡墨金  
之仙萸尚餘兩葉問重陽之瑞菊僅隔十初則有輔  
弼依垣列三臺以拱極卿士惟月分九道以從星鶴  
鸞集藜閣之英鰲峯日曉獬廌映栢臺之繡烏署霜  
寒官司鹽梅俱陪嘉會班聯槐棘咸預清行職盡清  
華鄭鮮之未容啟事人兼風憲李栖筠亦得從遊儀  
肅冠裳列分左右時乃仙車九九降來五色雲中玉  
佩雙雙隨過百花橋上叅差貝殿疑浮弱水之三千  
隱現珠樓似見崑崙之十二滄洲曉氣化爲宮闕之  
形閭闔秋風吹入金銀之樹舟浮太液驚黃鵠以翻  
飛帳啟昆明凌石鯨而問渡指天河之牛女路接銀

潢寒秋水之芙蓉域開香國尋芳曲徑惹花氣於露  
中垂釣清波起潛鱗于荷下檀林瑤草似聞金谷之  
郁芬桂餌翠綸喜看銀盤之撥刺大官賜膳圖雲刻  
雷之尊光祿傳餐漬桂釀花之酒青龍布席白虎執壺  
四溟作杯五嶽爲豆琳琅法曲舜韶奏而鳳凰儀渾  
穆元音軒樂張而鳥獸駭紅牙碧管飛逸韻以干雲  
羽衣霓裳驚仙遊之八月莫不神飛而色動共酌太  
和咸覺心曠而情怡同餐元氣遂乃集枚馬呼應劉  
歌詠清平揄揚盛美天章首煥落一串之驪珠  
御筆高標扛百斛之龍鼎葛天浩唱不推羲繩以前

叢雲與詞漫道媧簧而後因之句成七字彷彿漢事以  
聯吟人賦五言分唐詩而探韻宮鳴商應俱協和聲  
璧合璋分細裁麗製歌叶八伯共依紉縵之華頌出  
九如齊上岡陵之祝當茲颺言以拜手彌增嘉慰于  
宸衷駕綺七襄抽仙絲于香草鸞牒十色分妙製  
于桃花織天女之金梭名高蜀郡研吳都之銀粉價  
壓膠東玉井波寒濯瓜桃于懸圃鉄舳渡遠分蓮藕  
于華山帶去歸鞍香拂青絲之籠傳來中使光瑤赤  
玉之盤皆得攜出人間爭識來從天上西苑賜遊  
之佳話曾何足云北門侍宴之恩榮無能過此笑貞

觀豐年之慶筵啟丙辰陋開元麥秋之登樽移端午  
千秋曠禮萬古奇逢洵哉遊豫之風允矣泰交之象臣  
等才同榜櫟器謝棟梁藻有愧于談天賦未堪以擲  
地濫列金章之寵叨分玉局之班簪白筆而莫效涓  
埃侍黃門而多慚獻替六鰲雙鳳知黠竄之難工九  
几五筵屬遭逢之有幸得與鹿苹之會彌增鳧藻之  
思伏願化洽邗隆治超皇古無逸而乃可以逸常軫  
夫康功田功已安而益求其安每惕夫一日二日撫  
池臺之勝槩則思靈囿之子來對魚鳥之親人則思  
妣王之咸若觀九族之燕笑則思自親睦以至平章

顧千官之肅雍則思正朝廷以及邦國賞花而念貢  
花之非禮勿信其小忠至餌而知食餌之不情務察  
其大偽供來芳饌莫忘瘦嶺之耕人俸出霜縮當屋  
寒江之浣女樂諧韶濩致戒夫琴瑟之專詩被管絃務  
親夫風雅之正則宮爲君商爲臣角爲民徵爲事羽  
爲物音有五而協氣長調肅時雨又時暘哲時燠謀  
時寒聖時風疇次八而休徵感應銀繩玉檢不數夫  
七十二君玉燭金甌永固于百千萬世矣臣等無任  
瞻天仰聖激切屏營之至謹奉表稱謝以聞本房批  
云抽園客五色之絲織天女七襄之錦高文典册沉

博絕麗非此鴻筆不足稱斯鉅典殆和其聲以鳴國  
家之盛者耶固宜書以銀管麗彼金泥

### 男女授受不親

梁國治字階平會稽人父官刑部司獄向詣獄者司  
例有所索皆不受督獄卒潔除一切飯食凡可以方  
便者多方調護不倦二十年如一日擢刑部主事卒  
國治時年十一扶柩歸里道出淮陽時司隴李公與  
其父昆弟交也功其安葬之資並邀入署與子同學  
李夫人亦待如猶子每使侍婢致果餅國治輒藏之  
一日使小童致之遂食焉盡以所藏令謝夫人曰男



女授受不親前以待婢所致故不食也夫人大驚謂  
他日必成令器見林堂是科大魁授修撰官至戶部  
尚書大學士是科榜眼陳栴仁和人官至編修探花  
汪廷璵字持齋授編修官至閣學會元則江南靖江  
人鄭督也

預定兩魁

查虞昌字鳳階號梧岡海寧人編修祥之長子丁卯  
本省十六名舉人甲戌會試二甲進士授戶部主事  
丙子丁艱先北路公由秀水署平湖令延請至湖教  
余昆仲丁丑先生回海寧余隨館于其家戊寅先北

路公丁祖父憂余始自海寧回秀水當是時余宦遊  
所從師如鄆之俞醉六先生杭之陳學川先生嘉興之  
沈虹舟先生皆負笈未久所學止制義惟梧岡先生  
則詩古文詞獨得心傳窮究五經廿一史旁獵百家  
蓋學自是始有根柢云己卯侍先北路公回蜀是科余  
中本省鄉試第五庚辰北上禮闈下第留京辛巳以  
會試榜授中書而是年先生亦補官來京住馬神廟  
召余館于宅之前軒仍得朝夕請益問難癸未會試  
余與嘉善今任湖南巡撫浦霖皆先牛門下錄闈文  
呈質先生曰觀二生才氣縱橫恐不獲雋獲則必魁

已而榜發余中第二名浦中十四名果皆魁余選庶  
吉士浦授戶部主事丙戌散館余亦改授吏部主事  
官直隸通永道先生旋陞員外至郎中選安徽池州  
府知府不赴攜眷回浙自是不復親函丈矣回憶朝  
夕訓迪苦心不禁淚潄潄云

淡墨錄卷十四

辛未保舉經學

乾隆十四年己巳十一月初二日奉 上諭聖賢之  
學行本也文末也而文之中經術其根柢也詞章枝  
葉也翰林以文學侍從近年來因朕每試詩賦頗致  
力于詞章而求沉酣六籍含英咀華究經術之闕與  
老不稍槩見豈篤志正學者鮮歟抑有其人而未之  
聞歟夫窮經不如敦行然知務本則于躬行爲近崇  
詩經術良有關於世道人心有若故侍郎蔡簡之宗

人府府丞任啟運研窮經術敦樸可嘉近者侍郎沈  
意潛學有本源雖未可遽目爲通儒收明經致用之  
宏而視獮祭爲工剪彩爲麗者廻不侔矣今海宇昇  
平學士大夫舉得精研本業其窮年兀兀宗仰儒先  
者當不乏人奈何令終老牖下而詞苑中寡經術士  
也大學士九卿外督撫其公舉所知不拘進士舉人  
生以及退休閒廢人員能潛心經學者慎重遴訪  
務擇老成敦厚純樸淹通之士以應精選勿濫稱朕  
焉欽此誠曠典前此所未有也嗣內外所保舉四  
十六年辛未 諭大學士九卿再行虛公啟

實確舉以聞如果衆所共信卽不必考試於是公同  
會核得陳祖範吳鼎梁錫璵顧棟高等四人 上諭  
既衆論僉同其平日研窮經義必見之著述朕將親  
覽之以觀實學在京送內閣進呈在外行督撫取不  
必另行繕錄致需時日啟勦襲贗鼎之弊于是吳鼎  
進象數集說一部集說附錄一部易問一部春秋四  
傳選義一部易堂問目一部考律縮言一部梁錫璵  
進易經揆一部恭呈 御覽六月初十日吏部帶  
領引 見十一日奉旨吳鼎梁錫璵俱以國子監司  
業用吳鼎旋補葉酉調中 允所遺司業欽梁錫璵

一體食俸不為定員二人具摺謝恩賞紗各四疋  
 是日召對勤政殿上曰你們以經學保舉朕所  
 以用你們去教人但窮經不在口耳須要躬行實踐  
 方能教人躬行實踐二臣叩頭而出尋將所著各書  
 派翰林二十員中書二十員在武英殿各繕一部原  
 書給還本人著梁詩正劉統勳董其事吳鼎江南金  
 匱人舉人梁錫璵山西介休人舉人嗣復將常熟會  
 試中式舉人陳祖範無錫進士顧棟高俱授司業職  
 銜其保薦五十人餘四十五人者滿洲則內務府監  
 生永寧漢軍則正黃旗七品頂帶李錯順天則進士

任助教鍾離直隸馬拔貢邊連寶拔貢任助教王之  
 銳舉人戈濤廩生李穉江南進士則原任編修吳華  
 孫舉人徐文靖顧鎮盛衡趙繼卒蔡寅斗張欽劉始  
 興副榜劉大櫨張鳳孫拔貢周崙周振采廩監儲師  
 軾廩生程廷祚劉鳴鶴生員惠棟監生盛照布衣吳  
 鏡江西舉人原任廣西寧縣知縣劉斯組舉人張  
 錦傳廩生龔元玠浙江則進士原任吳大受原任  
 庶註魯爭煜御史范咸舉人知縣降詢克三禮館纂  
 修議叙吳廷華舉人現任學正王延年舉人張燧沈  
 樹德張仁浹中順天副榜方天游錢載坂貢周天度

廩監周大樞湖廣則編修夏力恕河南則進士原任  
宗人府主事王文清陝西則檢討孫景烈拔貢原任  
四川成都縣知縣劉紹效貴州則進士原任大名道  
陳法也未幾徐文靖授檢討銜王廷午授司業銜

紀事編年

王延年字介眉錢塘人薦博學鴻詞少嘗夢至一室  
漢書古器盎然橫陳榻坐一叟短身白鬚見容不起  
亦不言又有一人頽而黑揖介眉而言曰余漢之陳  
壽也作三國志黜劉帝魏實出無心不料後人以爲  
口實指榻上人口賴此習彥威先生以漢晉春秋正

之汝乃先生之後身聞方撰歷代編年紀事夙根在  
此須勉而成之言訖手授一卷書俾題六絕句而寤  
寤後僅記二句曰慚無晉漢春秋筆敢道前身是彥  
威後介眉年八十餘人薦舉經學進呈所撰編年紀  
事得賜翰林侍讀終國子監司業

經義

陳祖範字見復常熟人雍正癸卯恩科鄉會聯捷  
進士以博學鴻詞薦不就後奉命舉經學館閣諸  
公奏其名復以所著經義進呈欽賜國子監  
司業拜命于家終未出

學使候榜

吳鴻字頡雲仁和人工制義乾隆丁卯解元十六年  
辛未狀元授修撰鴻督學湖南壬午科湖南主試者  
爲嘉定錢公辛楣陝西王公偉人諸生出闈後各以  
闈卷呈吳吳所最賞者爲丁姓丁正心張德安石鴻  
考陳聖清五人曰此五卷不售吾此後不復論文矣  
榜發口吳招客共飲使人走探俄而抄榜來自六各  
至未只陳聖清一人吳旁皇莫釋未幾五魁報至則  
四生已各魁其經如聯珠然吳大喜過望一時省下  
傳爲佳話先是陳太常兆崙在都中以書賀吳云今

科楚南得人必盛蓋預知吳錢王三公之能知文能  
拔士也吳首唱一詩云天鼓喧傳昨夜聲大宮小徵  
畫含鳴當頭玉笋排班出入眼珠光照乘明喜極轉  
添知己淚望深還慰樹人情文昌此日欣連曜誰向  
西風訴不平一時和者三十餘人後又督學廣東嘉  
應州多六蓬舫舫戶皆蠶孃凡地驛站必雇其舫既  
雇舫則伺候者皆蠶孃供應侍奉較家人尤當意以  
中艙卽蠶孃房而除此有蓬前後無之也視學官船  
亦用之鴻入船恐其犯已戒肅吏甚嚴凡船有蠶孃  
盡逐入他舟吏商令蠶孃穿其蓬夜大雨蓬漏呼左

右皆狺不應而漏愈甚至寢榻皆濕不得已遂呼孀  
孀點燈使視其漏明日乞詩吳書一絕云濤箋親捧  
剪輕霞小立當筵蹙錦靴休訝老坡難忍俊多因無  
奈海棠花此蜚聲價頓增人呼狀元嫂

會元異事

周澧字芑東嘉興人乾隆庚午解元主司裘叔度忽  
得周元震易之評語有瑜亮並生之歎辛未會試第  
一名授編修雲谷云澧假歸澧短視舟過揚子江中  
帶眼鏡揭窻探頭觀金山寺適風順後船匝身而過  
遂割其首卒未知確否澧會試房師出崇寧御史蔡

修策之門修策名時田號雪南壬戌進士辛未入房  
得澧一時推為各元

柴公屋

湯世昌號對松錢塘人乾隆辛未二甲五名進士改  
庶吉士授編修未遇時應試貢院僦屋而居苦其狹  
小見旁有大宅封鎖甚固杳無人居訪之隣人云此  
杭州太守柴公屋也有惡鬼作祟以故無人承買湯  
有胆曰借居可乎隣人笑其狂亦無阻者湯遂開鎖  
破門見樓上有二棹四椅樓西有竹箱雖無人居  
而塵埃不積湯心喜即挈行李登樓一壺一棍秉燭

讀書至三鼓陰風起于窗外燈焰縮小有披髮女子  
赤身噴血而進湯揮以棍女憮然曰貴人在此妾誤  
矣仍從窻出湯喜鬼已去將解衣安寢忽樓西箱內  
簌簌有聲視之則此女從西廂出手執裙袂艷色衣  
并梳篦簪等物若將膏沐者湯愈無恐且飲目讀有  
頃女子梳妝畢着艷衣冉冉至前跪訴曰妾負前冤  
非公不能爲我白者妾姓朱名筆花杭州柴人守妾  
也正妻妬而狡知太守愛妾不敢加害值妾產子時  
賄收生婆婆于落胎後將生桐油塗我產宮潰爛而  
亡妾兒名某且妻取以爲子至今雖長成並不知爲妾

之子十年後君爲湖北主考子當出公門下公當以  
妾冤告之妾尸猶埋此墻之東井邊有八角磚爲記  
可命其來此改葬生母并指竹箱曰此皆妾藏首飾  
奩具處也妾亡時太守哀痛之至臨去吩咐家人勿  
持箱還家恐觸目心傷故也後有來竊取者妾以陰  
風喝退之今此中尙存三百金可奉贈湯爲憐然唯  
唯而已後一如其言樓上怪從此絕而屋亦轉售他  
人

兆榜

廣東梁兆榜其族某素奉佛妻有娠夢觀音大士謂



日汝生子可名兆榜將來是三甲第二十八名進士  
驚醒果生一男夫婦甚喜以兆榜名之即為捐監以  
待入場及年長頑蠢異常不能識字留監照無用乃  
以與族姪使下場即觀察也果于庚午辛未連捷會  
試出侍郎雙公慶門將殿試時雙公欲為送表聯于  
讀卷官觀察辭曰門生先有夢兆已定為三甲第二  
十八名進士殿試前列似難以人謀也雙公笑而不  
信殿試榜發竟得二甲六十八名雙公愈笑其誕觀  
察亦疑夢之不足憑矣是科進呈十卷第一名為諸  
城相國劉文正公之子埔上改二甲第二名拔杭州

吳鴻為狀元及第一甲八十名太多命分二十卷置  
三甲於是梁公仍為三甲第二十八名進士雙公嘆  
曰易稱聖人先天而天弗違斯言信矣

狀元有無心之賦

秦大士字澗泉江寧人乾隆十七年壬申第一甲第  
一名進士及第授修撰次年散館前求籤于正陽門  
闕帝廟有闕來常把此心捫之句意以神誚其陰事  
因鬱鬱不樂及散館題松栢有心賦以題為韻忘押  
心字 上以問闕卷大臣皆頓首請罪 上笑曰狀  
元有無心之賦試官皆無眼之人官至侍讀學士假

歸是科榜眼范斌士字祖年華亭人探花盧文弼字  
絳弓餘姚人會元太倉邵嗣宗俱官編修

狀元不永年

莊培因字本淳陽湖人授內閣中書乾隆十九年甲  
戌第一甲第一名進士及第授修撰日講起居注官  
丁丑會試同考官未幾卒狀元不永年人皆惜之是  
科榜眼王鳴盛字禮堂嘉定人授編修由光祿官至  
閣學探花倪承寬餘疆仁和人會元胡紹鼎湖北孝  
感人皆授編修

拆字

紀昀字曉嵐獻縣人乾隆十二年丁卯解元十九年  
甲戌二甲第四名進士改庶吉士先是未傳臚前在  
董文恪公邦達家遇浙士能測字昀書一墨字浙士  
曰龍頭不屬君矣墨字拆之爲二甲下作四點其二  
甲第四乎然必入翰林四點庶字脚土吉字頭是庶  
吉士矣榜後果然丁丑散館授編修歷官至翰林院  
侍讀學士庚辰上試山西戊子秋以兩淮鹽運使盧  
見曾侵帑事發奉旨籍沒家資中書徐蒸遠在軍  
機行走聞信密書以告籍沒無有搜出諸信有昀往  
來書札牽連革職入獄讞實坐徐遣戍昀發遣烏魯

淡墨錄

卷十四

木齊卽二十年平定伊犁所設鎮西府之新疆也  
學問淵博考証精詳至是遣成益得擴其見聞俱見  
所著如是我聞中昀在烏魯不齊不四年以辛卯六  
月釋放還京先是獲譴時獄頗急以一軍官伴守一  
董姓軍官云能拆字昀卽書董字使拆曰公遠成矣  
是千里萬里也昀又書名字董曰下爲口字上爲外  
字偏傍是口外矣日在西爲夕其西域乎問將來得  
歸否曰字形類君亦類名必賜環也問在何年曰口  
爲四字之外圍而中缺兩筆其不足四年乎今年爲  
戊子至四年爲辛卯夕字卯之偏傍亦相合也至是

果驗旋起復官翰林侍讀提督福建學政歷陞至兵  
部侍郎三十八年 上命開四庫全書館校定永樂  
大典訪購天下奇書着各省督撫採訪彙 上于朝  
命翰林注明月日俟呈乞 覽辦竣後仍給還本家  
領回派總裁總纂總校等官辦理成 欽定爲四庫  
全書以昀博學 命與庶子陸錫熊爲總纂昀進書  
一百餘種 上賞內府初印佩文韻府一部又奉  
命作四庫全書目錄凡所擬序跋皆出其手其考討  
最爲核博其謝摺四六猶爲流麗華瞻 上深重之  
時昀雖領部務而四庫全書總纂實獨任其責錫熊

但列名不贊一詞也一日有兵部失察事件堂官例  
應議處吏部取應議職各聘與焉議上 上曰紀昀  
乃一腐儒兼辦四庫全書不能常至兵部爾各堂官  
在兵部所辦何事乃議處各堂官寬免紀昀先昀有  
住宅在正陽門外豬市口宅門掛解元扁至是尙書  
彭元瑞謂昀曰公扁可換矣問換何語曰 欽定腐  
儒聞者絕倒

甲戌始重磨勘

乾隆十九年甲戌科首題爲唐棣之華至未之思也  
場中士子文有用腸一日而九廻 卜以言孟孔言

不應襲用漢書語先是派方苞選錄四書文頒行至  
是令再頒禮部順天府外廉存貯令試官知衡文正  
鵠並嚴重磨勘著以下科爲始磨勘諸卷俱于卷面  
填寫銜名以向來磨勘俱視爲具文是以特派大臣  
詳加校閱除試帖初添可稍寬至制藝既經入彀不  
應復有疵謬也二十四年刑書秦蕙田進 呈磨勘  
順天等省試卷 上閱順天第四名邊響禧文有飲  
君心于江海之語 上以揆其命意不過如飲和食  
德常言而蕪鄙雜湊遂至不成文義此豈字句小疵  
雖不宜以一語擯棄亦何至濫廁前茅著將該士子

及主考官交部隨議邊響禮罰停會試五科主考官  
奪俸並諭嗣後定議敘議處例有特派大臣覆勘  
指出原勘京堂等官有全未磨出者交部嚴處有原  
勘出一二而大臣覆勘尙多掉漏者亦交部議有能  
悉心檢閱秉公舉出覆勘無遺者交部議敘於是乎  
磨勘愈嚴矣

丁丑會試始去表用詩

乾隆二十二年 上以鄉試二場止試經文四篇而  
會試則加表文一道良以士子名列賢書將備明廷  
制作之選聲韻對偶自宜研究今思表文篇幅稍長

難以責之風簷寸晷且所擬不過數題不無倩代強  
記究非核實之道嗣後第二場表文易以五言八韻  
長律一首詩雖易學而難工然宋之司馬光尙自謂  
不能四六故有能賦詩而不能作表之人斷無表文  
華贍可觀而轉不能成試帖者况篇什既簡司試事  
者得以從容校閱工拙尤爲易見其卽以本年丁丑  
科會試爲始鄉試以己卯科爲始是年會試 上命  
詩題爲循名責實會元蔡以臺甚工進 呈第一余  
于己卯科亦以詩獲中本省鄉試第五乾隆四十七  
年副都御史巴彥學奏准將鄉會二場排律詩移置

頭場制藝後以頭場性理論移置二場經文餘照舊  
此科場用詩之始也蔡以臺嘉善人丁丑會試第  
一名狀元及第授修撰梅立本字秋暎宣城人乾隆  
丁丑榜眼第一甲第二各進士及第授編修提督廣  
西學政以首縣稟請不見自縊於學署大門巡撫奏  
聞革職審擬遂罹重典鄒炎孝金匱人丁丑探花第  
一甲第三各進士及第授編修官至國子監祭酒

江西才子

蔣士銓字心餘鉛山人乾隆甲戌由舉人官中書舍  
人以病請假南歸夢至一處宮殿嵯峨類王者居書

吏前致詞曰王候君久蔣入王降壇而迎謂曰此地  
事頗煩特屈君助理君勿固却屆期當相名矣蔣不  
應時方伯爲太倉王君與吾與蔣有舊告以故王曰  
前人有類此者誦觀音經得無恙盍歸修佛事以希  
神佑乎歸遂病詳以告母夫人母平時奉佛甚虔命  
蔣處書室已竭誠露禱囑夜三更鼓神思惛恍倏見  
珠旗羽葆充滿庭院請蔣登輿甫舉足覺有異遂朗  
誦佛號儀衛逡巡漸却復連誦數十聲紛紛遂散失  
乃甦二十二年丁丑登二甲進士選庶吉士授編修  
時母已老旋告終養大吏延掌山陰蕺山書院後又

移掌金陵書院皆大吏重其名延致之也後母卒丁艱省中大吏延心餘修南昌府志夜夢段將軍來拜見一偉丈夫携卒戎服叉手不揖披其頸曰吾頭豈白斫者將驚醒知有寃抑查新志並無其人舊志有段將軍乃史闕部麾下副將死于揚州者急爲補入忠義傳中士銓工詩主神韻與袁枚齊名尤工填詞所著有雪中人冬青樹各種

屯田策

乾隆二十五年 殿試有條對策問以古之屯田爲勞民今之屯田勞民正所以惠民者 上諭大臣曰

此卷新進撫拾陳言不悉實政固不足怪然現在新疆墾種實無一勞民之事以書升論秀者尙不免形諸廷對何況虫虫無識之徒以訛傳訛伊於胡底故不得不自明白宣示西陲戡定回部悉平朕之初念豈務爲好大喜功今亦不過按其舊部復其本業而已又安肯轉事勞民動衆益回人等本以種藝爲生自爲準夷驅使執役伊犁各處習業佃者延袤相望今當掃穴之餘在殘衆自營生計不過還其所固有而駐防大臣等循行勸墾亦惟用其人以墾其地曾有一內地百姓抑之負耒而往者乎總督楊應瑞前此

酌等屯務於派駐兵丁採買牲畜部署頗涉紛煩以其未得此事要領屢降諭旨令其從容隨宜經理今日奏到伊亦自知前議之非並稱各就本地力量情形因利乘便可規久遠則前後學畫緣起歷歷可數至應遣之犯議令前往種地以減死之人而予以謀生之路伊等既不得謂之民又安得謂之勞也且朕規畫此事更有深意國家生齒繁庶卽自乾隆元年至今二十五年之間滋生民庶歲不下億萬而提封止有此數餘利頗艱且古北口外一帶徃代皆號巖疆不敢尺寸踰越我朝四十八部子弟臣僕視同

一家沿邊內地民人前往種植成家室而長子孫其利甚溥設從而禁之是厲民矣今烏魯木齊闢展各處知屯政方與客民已源源前往貿易茹簷土銜各成聚落將來阡陌日增樹藝日廣則甘肅等處無業貧民前赴營生耕作汙萊闢而就食多於國家牧民本圖大有裨益夫利之所在雖禁之而不能止民可使由不可使知將來亦徐觀其效而已朕又何所爲而先事勞之前次武功告成不過僑師嘗試之而好議者或云黠武今辦理屯種亦祇因地制宜之舉而無識者又疑勞民朕實不辨且付之不必解而天下



後世自有公論耳因闕對策特降此旨並將楊應珮摺奏通論中外知之聖謨洋洋又未指出作策姓名寬大之恩如此

十本進呈帶領引見始定之例

乾隆二十五年奉 上諭廷試士子為掄才大典向來讀卷諸臣率多偏重書法而於策文則惟取其中無疵類不礙充選而已敷奏以言特為拜獻先資而就文與字較則對策自重於書法如果文義醇茂字書端楷自屬文字兼優固為及格之選若其人繕錄不能盡工字在丙而文在甲者以視文字均屬一等

可以調停入彀之人自當使之出一頭地况此日字學稍疎將來如預館選何難臨池之習倘專以字為進退兼恐讀卷官有素識貢士筆跡者轉以此籍口滋弊非射策決科本義也現在定例擬選十卷進呈須俟引見始定名次衡文尙待觀而闕卷時竟先抑文重字可乎經大學士九卿議准本年 殿試欽奉 上諭令於傳臚前一日將擬定十卷進呈即於本日帶領引見二十八年讀卷官大學士來保等面奉 諭旨嗣後 殿試進呈十卷不必預拆彌封候朕闕後再行按名傳齊帶領引見三十四年進

呈前十卷內有第八卷潘奕雋第十卷季學錦二名  
引 見不到經讀卷大臣叅奏奉 旨改附三甲末

主事保直隸州

忠勇公魁梧豁達公正廉明有太平宰相之度嘗記  
公爲大學士兼吏部時適余爲庶吉士改文選司主  
事一日值班五鼓赴軍機進奏摺凡例司官進摺必  
見中堂回明方過是以須早鵠立久之公始至恰尹  
望山相國亦至攀話長久余見東方漸白矣不待辭  
畢竟以摺進公不應以兩手輕扶至門外立公仍  
回坐話余時悚懼甚未幾尹去公以手招余和顏語

曰今日所奏何事余具以對並問姓名好言遣之蓋  
恐微員之震怖而安慰之也自是呼余爲李長漢以  
余願而長也後各部保送堪勝直隸州知州十各公  
薦余第一名引 見未記名公到部謂同堂官曰奇  
哉李長漢不記名然至今感恩知己未嘗一日忘也  
及後金川用兵請知州記名者九人如吳鑑南趙璞  
函輩分發四川俱死木果木之難乃知亦有幸有不  
幸也

南巡四次聯句

乾隆十六年辛未

聖駕南巡駐蹕涿州上元行幄

賜宴觀燈卽事聯句 御製青郊行慶共民娛上

苑觀燈景峇殊玉靚園臨廣幕詩正銀花璀璨散

平蕪迺山橫雪光添爛上日占年瑞表符大地陽和

迴北極臣汪中宵景慶映南弧琉璃河畔水猶合涿

鹿城邊草未蘇載道人歡瞻罕羣 御製初筵賓序

列觀餽御營酬節鰲山設春酒稱觴鳳輦扶繼照曦

光成不夜臣錢先春林采苑交柑玻璃挂定欲還整

緝佩飄來綬復紆響入長天迴雁陣詩正烟留遺穗

滴蓮壺千枝艷欲欺張令幾曲詞應失石湖寶界光

明皆佛國 御製蕊宮離蔚自仙都爲添佳話傳燕

趙便闕亭徧達越吳真是攜來三學士臣汪驚看捧

出百驪珠七襄錦爛天孫織萬道金流列缺驅飛卷

紫瀾騰墨海臣錢點成銀永出丹爐盤旋羣鶴自來

去曼衍儵魚乍有無狀噴璣璇題鈞爰 御製助歡

羆虎名都盧僕池火樹還翔燕霍靡冰荷欲隱鳧尙

憶貧家一盞對詩正合教天上六么輸雲和鳳瑄吹

陽律法部鸞音叶野飲冰宇雷轟喧榭馬臣汪幔城

風靜立竿烏行聯萬歲宜春字巧繪羣真獻壽圖眩

目紛披憑鬪捉 御製摩肩攢聳任招呼旌門不禁

來蒼叟蠶事相迎祀紫姑詎必廣陵誇獨盛臣錢須

知于薦賞寧孤空中論斗傾紅豆瓶裏駢枝綻綠笑  
 色瑩寒芒連五緯詩正粧翻新樣雜三銖金繩斜曳  
 催弦矢綵駕高懸轉轆轤香案氤氳垂朶朶御製  
 絳衣舞蹈唱喁喁風雲龍變真神也頃刻花開有是  
 乎到處長安太平節臣錢勝邀蓬島列仙儒閭喜  
 氣覃三輔巷陌歡聲接九衢道協賡颺時正泰臣梁交  
 占宴衍義為需要祈南畝書豐穀不數東都賜大酺  
 屑飴琅霜凝粒粒御製香浮瓊液得醴酬華褫坐  
 待衣冠會嘉夜歌傳昭曠途漫擬鴻文揚豫大相期  
 魚直進訂謨乾隆二十二年丁丑 聖駕二次南巡

上元趙北口行宮觀燈同扈謁儒臣聯句 御製上

元行慶奉慈帷節物承歡是處宜東海乍看擁寶甌

臣蔣溥西崑恰值做瑤池野舍瑞氣融晴雪樹挹芳烟

散晚炊蹕路鴛鴦皆吐耀臣汪和門草木總涵滋祥

凝夜色浮三島香泛春風達九遠曲渚雁回聞遠響

御製新漪魚防動流澌萬民同樂聊云可大吏鋪

觀太爾為于為寧忘歌卽景臣秦柏梁且喜讌成詩

卿雲馥都當樓護鸞尾葳蕤拂鏡窺雙楔霞標湖畔

擢綸臣三橋虹影坐間垂光收月窟應無敵捷奏天

山信有斯燈燈金牀函舍利 御製晶晶玉宇界琉

琉璃臨解凍陳冰戲輪到元宵  
萬象臣介半空碧彩漾全規青猊白象環仙闕西添  
南油燦御堦妙靄繽紛跨爵馬臣夢迴波宛轉躍蛟  
螭風前蛾鬪爭呈幻淵底驪眠獨探奇詎羨廣陵推  
法善御製顛令潛室起馮夷燕南趙北春猶淺越  
角吳根景遞披列缺施鞭龍起蟄臣錢維城伶倫叶管鳳  
來儀高檠菡萏旋搖日密炬艤艫曲遠陂海藏遊開  
珠百琲臣錢汝誠湘簾紛綴錦千絲燭銜場谷炎官繼陣  
列昆陽赤羽麾激電疑投玉女箭御製羅星似布  
升公蒸菴山蜃閣光無定瓊樹珠林影倒移糕餠王

梁頌列席臣蔣果分丹荔在行卮仙莊例放金吾禁  
良夕還紆銅漏期宴是傳柑猶隔昔臣江花非剪綵  
實先時湧來多寶定光塔採獻長生威喜芝灑地螢  
流囊熠燿御製拏雲蚪走甲之而漁村鱗舍皆呈  
照下里陽阿許共嬉茅屋寧無向隅者臣秦衢尊不  
啻與斟之觀補咸快昌辰洽給復頻邀沛澤施化泮  
華胥扶壽考臣劉歡騰瀛鄭舞童兒早聽菱鏡蜚佳  
語幸學桃箋繼膚詞三五韶華酬勝賞御製十千  
豐稔慰嘉師紙簽粉米尋徵吉江硯宜毫共選辭真  
見文昌輝八座臣介同欽華蓋煥重離纖條解聽遊

清沼榭馬無喧立絳旗鼓吹笙鳴樂愷臣依蒲  
在藻荷恩私唐昌萼蕊寧方此宜德神仙詎較茲遍  
挿柳條沿楚岸臣御製待催梅信過江湄律回黍谷  
方彌月雞踏金蓮修萬枝帝里輜軒應蓼擾臣維城皇  
衢燈火想此虎松盆尸戶燒蘭會竹榼人人鬪酒持  
閣上青黎明綈案臣汝誠陌頭白粥賽田祠無邊好景  
迎年麗有脚陽春傍輦隨虞陛揮絃仰庸作臣御製  
周庭燃燎問何其篆成翠火鴻禧祝簪集華茵燕喜  
追好樂無荒昭古訓惟殷保泰日孜孜乾隆二十七  
年壬午臣聖駕三次南巡上元于趙北口行宮同啓

蹕儒臣詠水嬉聯句臣御製上元燈火歲常新渚節  
水嬉倍可人恒奉慈娛千萬載臣統勳試廢法從兩三  
臣雙盤紀勝纒聯鼎太液摘詞早鏤珉臣御製水嬉  
本桐首頓廣陽借燕衍臣論隔宵涿鹿普訢閭紫泉迎  
旭羅朝饌芳甸凝膏潤宿昀洺籩剪茨臨爽塏臣敏中  
沙堤環桓倚崇闈鏤金待暖將拖柳泛玉流漸未點  
蘋廿五淀圍廻雁泊臣御製十二橋次宛虹馴西春  
返照明銀燭東壁騰輝燦玉津較量前番正嘉夜臣錢  
誠探尋此地足熙春鄭濬景物分明賞吳越謳謠次  
第詢近水香花瞻翠輦臣介展風獨復賁丹綸紫姑

競賽田蠶盛泰益叢詞膏粥頻宴啟傳柑隨豹尾雙  
慶歌同依藻疊魚鱗連鼇彩躡仙艫且翔鳳苞扶寶  
 閣循蘭激汎觴先祿洛 御製菲簾觀醮恰吹幽江  
 南消息侵尋遞趙北烟花鄭重陳况有于思隨蹕路  
臣劉便教倒刺籍文茵聽吹節鼓轟雷捷看上懸幢  
掣電神猱挂月崖輕掉臂臣劉 鶴翻雲塔穩盤身招  
 搖稱手長竿拓彳亍承跌寸楸紐鬪罷老獬羔解跪  
臣于拋殘巨卵彈能勻傳聲賜錕權泥首對隊擎杯  
 暖沁唇積素似鹽堆繼臘 御製新陰如幄捲當晨  
 冰含雪色炸千樹雪映冰光魄一輪鋪得瑤璃瓦

界臣錢集來鷓鴣儼朋賓奩規皎潔圓靈鏡壺削晶  
 瑩方嶠珍百戲蹴花澄曼衍臣介 九華結字澈齋淪  
 菱舟刺凍凝移嶼蓮座烘寒忽揮曼灞岸詩情行得  
 得臣雙 朝川畫木想粼粼從知黍谷回春是比似樽  
 桑不夜真廻憶六街看最好 御製每懷一盞對猶  
 貧長筵列坐宜回長曲岸駢觀樂土民平步星橋連  
貝闕臣劉統熱縱眸雲隴覆瑤塵魚驚啟蟄潛還陽鴻識  
 隨陽漸復遵銜燭熒熒通溟裔臣劉 然犀爍爍洞磯  
 濱篆熾甲煎逾安息燈窳流蘇奪大秦繞澣蚌脂紛  
臣于分棚蘭燄蠹嶙峋霞標警起陽凌冷月地

徐融洎穀敘燕國新詞慚授簡 御製魯山雅曲願  
書紳遠村漁火依微辨近渚龍檠左右巡頃刻金蓮  
開萬朶臣錢汝誠參差寶絡綴雙銀襄城赤幟舉中夕封  
氏花幡驗臣介半旬野老堵牆咸色喜臣介內官立仗不  
心贖祥過卜爾餐餐餌采勝捫釘睹宿辰編戶獻芹  
行慶洽臣雙慶守臣負弩祝釐申紅跗分窖歸蒸蔚碧  
刻同疇出坎垠清景當頭延燕賞 御製陽和有脚  
戴鴻鈞底誇繼書且經月要欲同歡並示仁惠遠行  
時難槩置繫予本意在還淳乾隆三十年乙酉 聖  
駕四次南巡燕九日趨北口行宮觀燈同扈蹕諸臣

聯句 御製焚燈燕九猶嘉夜恰值巡方駐渚宮擲  
管聯吟堪數典臣傅恒展軫有 詔重宣風黃圖藹若  
春圓煦繡甸佳哉氣鬱蔥凌沼漾晴澌的臣阿麥里  
畦含翠萬芄芄三登留熟歡聲洽六出含精闔澤蒙  
祀粥尚沿膏泛白臣于敏中買燈還續蠟燒紅望延吳越  
瞻天日踵繼燕齊祝華嵩鳳展九苞扶 翠輦 御  
製雲垂五色護朱櫳高年慮假登樓步燈節宴賞例  
結絲樓奉  
高年登陟臣樓上觀之茲恐于平屋堪娛玩景曠養志  
承歡敢弗甓臣錢汝誠乘陽頌慶此云同燃來蓮蕊攢成  
錦種得芝田煖欲烘木鏡助懸眉漢上臣王際華玉蛾齊



繞萬花叢潛蛟室底千絲繭飛鳥行邊百尺虹著地  
 還騰紫匱臣蔣度宵不下挂玲瓏跼呈頃刻瓶罌  
 裏節啟葳蕤橐籥中線掣蜿蜒交列鈇 御製鞭驅  
 霹靂導靈霞奇踪艷說邱仙伯誕日兼傳越國公走  
 馬擊毬城外盛臣雙 鸞鷲放籙羽流崇礮溪逸蹟徵  
 時可嶸嶺仙源溯大通方朔偶然游度索臣全 廣成  
 竟爾在崆峒杖龍影已寒池澈笙鶴聲猶夜月臙丹  
 竈霞棲瓊觀靜臣張 珠幢雲擁碧臺穹萃元芸秘香  
 餘篆太極松幡蓋自籠慶序京華傳覽揆 御製熙  
 韶瀛海緬飛狎共看趙北水嬉麗似遞江南春信融

扈蹕况隨諸伯克臣臣 欵關久致古筠冲錢鏐管爾  
 新遵范布貢兜羅舊織網不比名王空質子臣孫 於  
 今絕域盡抒忠賣刀已市千頭犢拆矢仍韜八札弓  
 豹尾幸陪知感切臣申甫 龍文榮綴荷恩洪湛滑曹被  
 天山北和益纔廻渤海東濃粲笑花蕃且吉 御製  
 高壽喜爆熾方隆行時信可同民樂祈歲端因厪穡  
 功掩映水村益佳致臣于敏中 訢閭澤國肇綏豐七真颺  
 轡攜鍾呂兩淀星橋亘鄭雄盤鯉獻常擎野叟臣錢汝誠  
 篠驂舞更迓衢童焱歎凍藻喧鳧鴨采絢蒼葭起雁  
 鴻響送蹋歌諧鼓楫臣王際華 光回銜燭徹張罫漁陂浦

遠輝晶晶蟬籜林開炬奕熊幾點微茫粘出岸，御  
 製半篝約畧照疎篷西汀火樹爭輝夕東壁銀輪慢  
 輾空未可忘言答韶節臣蔣雅宜卽景繪熙工莊生  
 見說魚知樂老子嘗論道用盡故事記曾催擊鉢臣  
 慶新詩繼復許連筒榮叨給札霑優渥速愧傳箋訝  
 遠思雪後培滋如霖霖臣今年前積素尙籠從大田  
 佇見耕人出萬寶從占廩實充寒勒風條芽拆柳  
 御製閨添花信葉餘桐烟收此夕消金燄路指明朝  
 策玉驄排當前塗宜命罷南巡向以燈節前啟踵地  
元後一日計至此已當燕九因卽斯已覺欣吾衷自  
預勅大吏前途不必復陳

古賢歌颺拜 君臣一德未有如斯之盛者也諺曰  
 一遊一豫爲諸侯度此之謂歟

淡墨錄卷十五

狀元夫人

綿州 李調元 兩村

畢沅字秋帆鎮洋人由內閣中書乾隆二十五年庚辰修撰擢鞏秦增道歷布政巡撫調河南陞兩湖總督為秦藩時余適以服滿上京補官過訪時秋帆初喪夫人出悼亡詩屬和其伉儷之篤不減奉倩也夫人簞室周月尊字漪香長洲人酷嗜文墨禮賢下士偶成云家如夜月圓時少人似秋雲散處多夫人還吳門先生七夕寄詩云汴水吳山同悵望今朝兩地

沙墨錄  
拜雙星。漪香有青門柳枝詞云：留得六宮眉黛好，尚樓付與曉粧人。秋帆和云：莫向離亭爭拆取，濃陰留覆往來人。袁子才云：作詩者各有身分。去人詩是閨閣語，秋帆詩是大臣語，秋帆尚書撫陝時有上元燈詞十首，莊重高華，是文華殿上語。一時幕中學士文人俱不能和。如云：碧榭紅闌萬點明，戟門蓮漏轉三更。交春便抱祈年意，不聽歌聲聽雨聲。京師有李桂官與畢秋帆尚書親好，畢未第時，李服事最殷，病則杯藥量水出，則受轡隨車。畢中庚辰進士，李爲購素册界烏絲，勤習殿試卷子，果大魁天下。溧陽相公康

熙前庚辰進士也。重赴櫻桃之宴，聞桂郎在坐，笑曰：我措老眼，要一見狀元夫人。其名重如此。戊子年畢公官陝西，李將往訪路過金陵，年三十，風韻猶存。余作長歌贈之，有云：若教內助論勛伐，合使夫人讓誥封。畢公資助甚厚，晚販玉噐至廣東，時趙雲松爲廣州太守，作李郎行贈之，有昔爲玉人令玉客之句，入蘇傳之。

不挾嫌

諸軍光字桐嶼，餘姚人。庚辰榜眼，授編修官，至辰州府知府卒。重光父名先庚，爲督撫大幕先君官，餘姚

時曾以其姻原任金匱令陳奇抗糧鎖其家丁追之其祖先庚在制府幕奇倚勢碎扁鎖竟上控告八蹟審俱子虛得釋而予以後入翰林例稱晚生重光見之曰尊大人官我餘姚至今百姓思之今無此官矣不以前事挾嫌真前輩風度也出守辰州卒

夢樓先生過海

王文治號夢樓丹徒人以貢生留京師隨閣學全魁過海至琉球國封王克記室回鑄有曾經滄海四字印章袁了才云乾隆戊寅盧雅兩轉運揚州一時名士趨之如雲其時劉映榆侍講掌教書院生徒則王

夢樓金棕亭鮑雅堂王少林巖東有諸人俱極東南之選乾隆二十五年庚辰會試第四名殿試第一甲第三名進士及第授編修大考一等一名侍講癸未會試同考官余房師也已卯大同年曾與祝芷塘同序譜誼既而出其門余修弟子禮甚恭而先生仍以譜序稱五弟其謙尊如此官至臨安府知府降調遂不出先生工詩古文以新造為主嘗云詩稱家數猶之官稱衙門也衙門自以總督爲大典史爲小然寧爲典史而不爲擔水夫何也典史雖小尙屬朝廷命官擔水夫衙門雖尊與他無涉今之學杜韓不成矜

然自以爲大家不過總督衙門之擔水夫耳又云詞章之學見之易盡搜之無窮今聰明才學之士徃徃薄視詩文遁而窮經討史不知彼所能者皆詞章之皮面耳未吸神髓故易于決拾如果深造有得必愁日短心長孜孜不及焉有餘功旁求考據乎先生尤長于書人得隻字無不寶之精于音律座上常滿歸後遨遊公卿間皆倒屣出迎晚年飯佛嘗築小菴于家日齋居誦經于中其侍者丫頭素所鍾也亦性好尋提同菴共事如師徒然晚年買小姬教唱爲女樂以自娛有輕雲寶雲最爲出色而先生善與交

無城府在館時諸太史因取傳奇翡翠圍有段云是好人語稱爲王假頭先生每聞人稱必怒曰該打該打

大學士不由協辦

韓城相國王偉人父爲浙蕃庫大使隨任讀書浙固文獻邦旣饒墳典又有師承而公天姿穎敏過目不忘又工小楷得逸少筆法嘗爲督撫寫摺奏江南制軍尹相國望山繼善深器之乾隆十五年庚午舉本省鄉試六名十六年辛巳諸城相國劉文正爲總裁閱其文大加賞贊拔置進士呈第十名殿試適尹公

入朝充讀卷官遂薦第一大魁天下不由協辦由何  
書直登宰輔皆異事也 本朝陝西中狀元者惟公  
一人而狀元至大學士者亦惟公一人而已

祭江濱

胡高望字煦堂仁和人乾隆二十六年辛巳榜眼授  
編修官至內閣學士兼禮部侍郎乙巳奉 命主蜀  
祭江濱歸余適歸綿相遇于左綿以輿夫前導毆余  
脊轡余下輿叱止之忽見余乃歡然道故並索童山  
集讀至中夜方寤其度量如此

雲松詩有別才

趙翼字雲松陽湖人由內閣中書乾隆二十六年辛  
巳第一甲第三名進士及第授編修官至迤西道年  
十六時戚人張某患神弱病有女鬼相纏形神鵠立  
奄奄欲斃其母徧禱諸神卒無效驗唯趙坐其榻鬼  
不敢至趙去鬼笑曰汝能使趙探花常坐此乎其母  
苦求趙公趙不得已徃秉燭相伴至第三夜不勝其  
倦畧閉目病者精已遺矣越數日卒後果中第一甲  
第三官至廣西江右道以分校作雜咏十餘章足以  
解頤封門云官封恰似懸符禁人望居然入海深聘  
牌云金鑠應識披沙苦禮重真同納采虔供給單云

日有雙雞公膳半夜無斗酒客談孤分經云多士未  
遑談虎觀考官恰似劃鴻溝薦條云品題未便無雙  
士遇合先成得半功佛海漸登超渡後神山猶怕引  
回風落卷云落花退筆全無艷食葉春蠶尙有聲沉  
命法嚴難自訴返魂香到或重生撥房云未妨螺贏  
艱生子笑比琵琶別過船俱新穎出守廣州府陞右  
江道以母老歸著有甌北集人爭購之詩有別才其  
謂是歟

袁子才弟子

稽承謙字受之無錫人大學士璜之子乾隆二十六

年二甲第二名進士庶吉士授編修官侍讀袁枚授  
業弟子也辛丑冬過隨園袁止而觴之席間論史事  
袁極言通鑑載楊如洗見事之誣稽云門生在史局  
派修唐鑑立論頗合先生之意將舊唐書所載武后  
淫穢事大半刪除同局以爲不然亡何夜卧書舍有  
小黃門來稱則天皇太后請稽先生因隨之行望前  
面宮殿外有四金柱插空高數十丈上書天樞二字  
一宮女雲鬢霞佩出引向殿西角云先生少坐待我  
奏聞語畢便去殿上門檻甚高踈殊費力繡簾中坐  
冕旒者相離遠仰視不甚分明異香從殿上吹來倣



佛蓮花氣息旁有虎皮交椅坐白鬚人手執牙笏口  
奏事琅琅數千語亦不可辨冕旒者似與駭詰良久  
已而大笑其齒皓然玉露潔白如玉面爲旒珠所遮  
終未見也少頃前宮女出謂曰今天已暮太后不及  
相見請先生且回所以奉屈者謝先生駁刪唐書之  
功先生當自知之語畢袖中出一玉秤曰此在長安  
以之稱量天下才者先生將往長安敢以奉贈門生  
心知是上宮嫔兒逡巡揖謝而醒其年果有督學陝  
西之差見子不語

逢火日不出門

曹仁虎字來殷嘉定人由名試中書登乾隆二十  
六年辛巳進士在京師晝寢夢偉丈夫來拜自稱黃  
崑圃先生拉至一處宮闕巍然中有尊神面正方着  
本朝衣冠請曹入見曰吾三人皆翰林衙門官只行  
後輩禮不行僚屬禮坐定目曹曰卿十一歲時行一  
大好事上帝知之故特召卿到此受職卿可卽來曹  
茫然不記幼所行何事再三辭力陳家寒子幼故不  
願來尊神甚不悅旁顧崑圃先生曰再向彼勸掖之  
語畢不顧而入先生竝曹笑曰我深知翰林衙門亦  
甚清苦卿何戀戀不肯來耶曹復哀求先生曰我且

爲卿說情似亦可免但卿此後出門逢火日不可出門慎無忘也曹問尊神何人曰張京江相公問何地曰天曹都察院曹驚醒後每出門必檢視時憲書遇火日雖慶弔事皆不出數年後不甚記憶乾隆二十三年臘月二十三日嚴東有長明舍人邀曹至程魚門晉芳家作詩會俗以此日祀竈遂以爲題席間酒數巡曹俚如睡去者目瞋身仆羣客大驚疑詩中有侮竈神之語故神爲祟乃羣向竈禮拜祈請至三更時曹始蘓自言見黑袍人送我回來次日取時憲書視之二十三日火日也官侍讀學士余在通永道時

嘗自二闕至署同程魚門視芷塘顏崇瀉吳恭受王燕緒貽堂諸太史看偏橋荷花有倡和集

史可法自題對聯

謝啟昆南康人乾隆二十六年辛巳進士改庶吉士授編修出爲揚州太守扶乩灰盤書正氣歌數句太守疑爲文山先生整冠肅拜問神姓名曰亡國庸臣史可法時太守正修葺史公祠墓環植梅松因問爲公修祠墓公知之乎曰知之此守土者之責也然亦非俗吏所能爲問自己官階批曰不患無位患所以立謝無子問將來有子否批曰與其有子而名滅不

如無子而名存太守勉旃問先生近已成神乎曰成神問何神曰天曹稽察大使書畢索長紙一副問何用曰吾欲自題對聯與之紙題曰一代興亡歸氣數千秋廟貌傍江山筆力蒼勁謝公爲雙勾之懸于廟中

靴裏會元

孫效曾字恂士一字心蔣仁和人庚午鄉試乾隆二十八年癸未會試第一是科正總裁爲秦蕙田味經先生副總裁爲禮部侍郎德保定圃先生戶部侍郎王際華白齋先生先定圃宗伯閱余卷即以爲元大

司寇曰此卷大起大落才氣縱橫魁才非元才也應置第二吾爲江南人例應取浙江卷充之此卷既係四川人居第二吾江南大省當讓邊省人出一頭矣宗伯力爭而大寇堅執不回然至將揭榜時總裁及各房考究不知元卷爲誰也至填榜時司寇笑于靴裏摸一卷曰此卷如題兩扇此會元格也遂以余置第二而以效曾拔第一人稱靴裏會元榜發乃知大寇卽先大夫壬戌會試本房師也父子同出門下時先大夫適知涿州携余展謁道闈中事深以爲悔云助資退婚

秦大成字澄敘號簪園嘉定人乾隆己卯鄉試二十八年癸未會試第三名殿試第一甲第一名進士及第授編修初大成為孝廉時續絃婚夕新婦悲啼不止問之曰妾幼許鄰村李氏子父母嫌其貧逼休改嫁竊念身更二姓有乖婦道是以痛耳秦聞之竦然曰何不早言幾成吾過乃趨避外舍命僕名李李至語之故且曰今夕良辰可于弊廬合卺所有奩資舉以相贈李感激涕零莫知所對三朝後夫婦叩謝而去是科竟大魁天下秋燈叢話簪園與其中表某赴會試夜夢至文昌宮中適關帝至問今歲狀元何人文昌

以某對忽見一婦人跪帝前云某為我夫弟夫死後某凌虐備至憂鬱致死文昌曰此人短行奚可大魁特上帝選才甚難殿試已近誰可易者聞後科何人易之申奏未遲有一吏捧册跪進文昌曰今歲且以秦大成為狀元惜功名預得未免減算耳是科秦果第一某竟落第未幾死簪園主講平江書院每舉以為諸生戒廣新讀卷官初擬會元孫效曾第一上閱策冒下有治益求治安益求安謂頌不忘規遂拔大成第一而以孫置二甲第二大成事繼母至孝授職後即乞假養母辛丑起復原官年幾六十耳聾乞假

歸榜眼沈初字景初號雲椒平湖人乾隆丙子南巡  
名試中書授編修官至禮部侍郎探花韋謙恒字  
慎旃號約軒蕪湖人乾隆辛未南巡 名試中書授  
編修陞庶子提督山東學政歷官至貴州布政使護  
理巡撫罷歸著有傳經樓集

琵琶墳

董潮字東亭海鹽人乾隆二十八年進士改庶吉士  
潮青年科第以書畫文辭冠絕時輩性磊落而有國  
風之好常與諸名士集陶然亭散步吟詩獨至城堦  
下忽聞琵琶聲縱跡之聲出數椽版屋乃十七八美

女子着淡紅衣披窻理絃索見董畧無羞慚揮絃如  
故董徘徊不能去同人怪董久不至相卒尋之見董  
方倚破牖凝立呵之不應羣呼之董驚寤而女子形  
聲俱寂始道其故衆入室搜索破瓦頽垣絕無人跡  
有蓬顆一區俗所稱琵琶墳也乃掖董歸未幾以疾  
歸修常州志卒于家

搖鈴

蔣熊昌編修麟昌之弟府尹炳子陽湖人乾隆二十  
八年癸未進士官至潁州府知府在直隸安州遇一  
老翁兩手時時顫動作搖鈴狀扣其故曰余家某村

村居僅數十戶山中出一偃尸能飛行空中食人小  
兒每日未落羣相戒閉戶匿兒猶往往被攫村人探  
其穴深不可測無敢犯者聞城中某道士有法術因  
糾積金帛往求捉怪道士許諾擇日至村中設立法  
壇謂眾人曰我法能布天羅地網使不得飛去亦須  
爾輩持兵械相助猶需一膽大人入其穴衆人莫敢  
對余應聲而出問何差遣法師曰凡偃尸最怕鈴鐺  
聲爾到夜間伺其飛出卽入穴中持兩大鈴搖之手  
不可住若稍歇則尸入穴爾受傷矣漏將下法所登  
壇作法余握雙鈴候尸飛出儘力亂搖手如雨點不

敢小住尸到穴門果猙獰怒視聞聲琅琅逡巡不敢  
入前面被人圍住又無逃處乃奮手張臂與村人格  
鬪至天將明仆地而倒衆舉火焚之余時在穴中未  
知也猶搖鈴不敢停如故至日中衆大呼余始出而  
兩手動搖不止遂至今成疾云

翰林改御史

祝德麟字芷塘海寧人十四歲中乾隆二十五年庚  
辰舉人有神童之名風姿韶秀若處子二十八年癸  
未與余同登進士入翰林出趙雲松之門時年方十  
七姿態橫生雲松以詩贈芷塘有絕艷不須施粉白

高才直覺出藍青時翰林中呼爲祝小姐會殿試同  
寓時人又有跌宕風流祝小姐飛揚拔扈李將軍之  
謔後改御史以參奏某司成收門包貶秩改部曹不  
赴歸十年不通音問矣五十九年正月十日其門生  
新都李菁陽極爲御史丁父歸忽得芷塘書云德麟  
頓首別來忽忽七八載矣彼此踈伏鄉閭無從一通  
尺素近得墨莊書知眠食無恙甚慰麟官情本淡適  
以彈事矯級遂浩然而歸主講雲間全家浮寄江湖  
乞食風雪著書正不必與九陌黃塵較量得失而運  
行侘際去秋疢發于凡睢之間至今尙未脫體病中

無可消遣刪改舊詩每遇與足下唱酬之作覺營在  
拔扈飛揚之氣綢繆繾綣之情如在目前若夫醒隱  
下榻二開放舟尤所溯洄流連爲之神往至於各懷  
壯志至今日而同老空山則又不禁感慨係之矣前  
後奉懷詩甚多錄之不勝其錄故勿寄也墨莊兄弟  
都無起色奈何尙箚回川之便草此奉候天涯海角  
此生殆無相見之期惟努力自愛不宜余有詩云一  
函書自浙東來急起臨風手自開聞道全家寄江海  
幾時三徑返蒿萊講壇此日推模範彈事當年避栢  
臺倘念天涯遣老在寄魚尙欲數鱸願祝有寄袁子

才云蓋世才名大游仙福地深江河不廢業松栢後  
雕心酌兕斝雖老將雛得好音平生行樂處古少莫  
論今

癸未朝考夾帶

新科進士于引 見前先行考試知其學問再行引  
見謂之朝考此雍正元年定例也其試題 欽定  
將詩文四六各體出題或一篇或二三篇或各體俱  
作悉聽其便俱赴 保和殿先日翰林院奏定日期  
知部行光祿寺備供給考案工部備黃案及案衣鴻  
臚寺陳設鑾儀衛派校尉領侍衛內大臣護軍統領

派侍衛護軍行內務府將 太和殿所貯黃案送  
保和殿以備安設題紙事竣送回又將 保和殿舊  
稿捲起並開南樞扇排設各貢士考案典至鉅也乾  
隆二十八年癸未科余殿試二甲第十一名二甲第  
十二名爲錢塘吳霽字卓雲會試第五名浙東名士  
也與余並案而坐時監試爲內大臣額駙福公隆安  
已近前查場矣而吳素短視未之見余小語令起亦  
未聞向例朝考不搜檢故或片紙書詔誥于所帶稿  
紙之末以備忘亦可福公見其高坐不起卽步至吳  
案前翻其卷帕內有細字數行問之始踉蹌而起公



曰此非夾帶乎吳面赤猶強對遂喝校尉牽下隨具摺以吳預擬詔條潛行夾帶應照鄉會試夾帶例斥革交與巡城御史柳號一月奏聞報可是日詩題爲禹惜寸陰余本擬作四首而見吳被罪又在案右其勢洶湧心頭沖沖遂止作二首而同年南淮吳省欽以作四首取第一名余以少作取第五名自本朝有朝考以來犯夾帶者惟吳霽一人而已三十六年以御史張霽條奏詩只作一首矣

特授庶常

戴震字東原休寧人乾隆壬午舉人欽賜進士

奉勅編校四庫全書震學問淵博工詩書五經尤精三禮善天人之學作璿璣玉衡解最爲詳悉

停止 皇后登科錄

乾隆二十八年奉旨今日閱禮部所進會試錄登科錄內俱有恭進 皇太后及 皇后各一本等語此係沿襲具文非事關典禮者可比如慶賀表箋及進時憲書等類自應遵行舊例至若會試登科錄部原本卽稱交內閣照例收貯此不過循例進呈在朕尙不必親加批閱况我朝宮闈肅穆不惟一切政務從不與聞卽尋常細事亦無絲毫干預似此相沿舊

套徒費抄寫自應停止

解元襲舊文

巡撫明山奏據廣昌縣知縣李振文稟稱乾隆三十年乙酉本省鄉試中第一名吳光槐頭場首藝係勦襲江南夏秉衡觀風考作等語隨令明山將吳光槐親提嚴訊實係記憶抄襲無夾帶情弊請將吳光槐革去舉人主考官議處 上以闈中較閱卷止憑文去取雖有抄襲豈能遍查來歷所有取中吳光槐之主考官俱概寬免不究大哉王言也夏秉衡字谷香華亭人工詩文著有清綺軒詞選

知縣中狀元

乾隆三十一年丙戌狀元張書勳吳縣人以舉人就知縣行補用矣下場竟得大魁榜眼姚頤泰和人探由編修督學湖南劉耀雲武進人文定公之子由編修歷官侍郎會元胡珊歙縣人以古文散行得會元亦前所無也

己丑朝考關節

乾隆三十四年己丑殿試後 欽派閱卷大臣以擬取各卷進呈 上親拆彌封閱擬第一之嚴本卷論冒云人心本渾然也而要必嚴辨寸動靜之殊兩句

內姓名顯然併見 上詫異之又闕第二之王世維  
卷則云維皇降衷而擬第三之鮑之鍾則用包含上  
下句包爲鮑之半擬第五卷之程沅則云成之者性  
也成與程同音 上指示閱卷大臣曰此非關節而  
何實堪詫異雖各卷文義原可取而字跡可疑且不  
止一卷豈得謂偶然適合似此隱藏字樣謂非關節  
不鮮何等字樣爲關節時閱卷大臣俱懾伏不出一  
言劉文定公綸亦在閱卷中對曰朝考只論去取不  
關前後 上曰不然此小省人少者則然若江浙中  
式進上較多設朝考入選而名次在後恐已難望

選是前列實爲勢所必爭卽不能保無播弄筆墨  
圖巧作夤緣之計文定公叩頭請罪 上徐曰朕然  
不肯逆詐億不信亦斷不能漠然無先覺爲此等伎  
倆所蒙諸臣皆朕所信任派出不值因此遽興大獄  
姑從寬免究但如此擬取不足以服人心令軍機大  
臣同原看官將各卷通行覆閱據奏請將原擬前四  
卷抑置取卷之末並將各卷酌改前後次序進呈至  
原擬第三十一名之卷詔既不切詩復不工斥去不  
取原派閱卷大臣交部議處于是諸大臣謝 恩而  
退俱服 上神明王世維者先君石亭丙子浙闈分

房所取上也

哈密瓜聯句

恩賜四庫全書館臣哈密瓜聯句恭紀五言排律一百五十四韻謹序乾隆四十有二年十月二十九日

命以哈密瓜

頒賜四庫全書館諸臣異數也竊

惟譯通榆塞舊承打采之遺

謹案諸書所稱哈密源流多未明晰今

西域圖志訂正為打采之轉音至補正確是祇千古之疑

地號瓜州遠自駒支之

祖輿圖所記古傳嘉種於燉煌土貢惟虔今獻琛函

於哈密鵠青滿篋借三果以齊來蛾綠登筵貯雙盤

而交快

謹案回城三果及雙玉盤並御製詩篇天下傳誦

惟茲上品是為

玉食之材何意殊榮徧及木天之侶密脾初割金

瓢與黃卷相輝汗簡旁陳縹帙共翠斑一色分來辨

瓣爭揮削字之刀付去人人遞引摘毫之手飫一杯

之甘露舊渴金消挹七里之芳芸濃香又別珍逾素

葉喜溢青藜伏念臣等叨列冰銜謬編瑤笈三萬七

千餘卷尙未諳隋志之名一百五十四人乃盡拜

堯階之賜平居伏讀仰窺消夏之詩恭讀御

詠內瓜詩有何人方瀉一瓣試分嘗之句此日分嘗真作逢春之草

恩逾嘗格本非歌頌所名感倍恒情惟以文章為報

三星映座立成難比於曹劉五字聯吟間作竊規夫

韓孟共相勸勉早完會鞏之編摹自愧空疎知謝董道

之博洽輕塵秘少陸費堉天鑿實切冰兢其詞曰寵錫來中

蘇逮羣儒美勝東陵種侍講學上名徵西域圖餐香

雷藝圃臣彭紹觀聯韻檢書尉蔥嶺分諸部洗馬臣

瓜州借一區在明為哈密王仲愚於漢本伊吾前代

兵常構宋銑茲邦勢最孤寧知大都護蕭際節惟

隸右單于蝸角爭蠻觸編修臣魚門鬪魯郊流離棲

雪積臣德昌倉卒棄金符印成化問哈密王金牧圍

頻遭掠黃瀛元樵蘇屢見俘防攻聞擊柝曹城合

戰怯援枹聖伐三階正禮科給事中遐荒一氣孚

爭來附內閣侍脫五年內附太歲當淵讀久免役貴姑密以康熙二十

師討骨都六丁下雷獻乾隆乙亥平定伊犁

傳檄張燾名王奮執及繫纓擒頡利黃良棟釁鼓

戮温馬奴鳥頻驚射陳初哲長鯨畢就屠高牙臨碎

乘編修臣右臂斷奴柳谷風塵靖吳壽昌花門氣

象蘓戈鋌從此息編修臣耕鑿倍無虞沃野平開畛

秦泉編修臣崇垣對建郭臣哈密王城與督理糧鉶大

連古戍黃軒兩道控衝衢往山南者由哈密抵關

炎豐錄 卷十五 七

烏爾圖打坂編修臣巴里編修臣屬國茲為近編修臣恩波

最早濶積年成富庶編修臣比戶樂妻孥編修臣校開屯

成編修臣丁男執黍稷編修臣徐安安薪入爨編修臣堅編修臣

李茂茂草供芻編修臣考之即息雞草之以編修臣綵縷誇縫編修臣

哈密所製羊裘編修臣線以編修臣周興代高輪駐秣駒編修臣

繳為新強所重編修臣編修臣周興代高輪駐秣駒編修臣

高輪以利涉凡出編修臣哈密關去鴛哥行姬製編修臣

至哈密必停一日以息馬力編修臣鴛哥行姬製編修臣

鴛哥編修臣阿渾坐雖財者謂之阿渾編修臣墟市商民輟

朱筠編修臣田廬主客俱嚴關雖警夜編修臣每夜閉城之時官

同城亦不許宿一漢人編修臣以隙土任收租編修臣其田歸流寓

防閑奸宄編修臣哈密少雨惟資渠水以溉田編修臣其渠皆

種雪液清渠引編修臣天山積雪暖融而下注者也編修臣

臣李沙田編修臣壤糊莫嫌滋麥少編修臣往來所食之麵多取

之商販編修臣舊說薦瓜殊指子陳貽種編修臣瓜種以灰培

越數歲種之則味厚編修臣新子布種則培阮曲附塗編修臣

味薄不堪食矣編修臣抹去霉污却燥常穿漬編修臣頻

增瑩潔編修臣起指拭去霉污却燥常穿漬編修臣頻

鋤競擁懼分窠間編修臣疎密編修臣度力辦密敏相感薰

宜筭編修臣交融漬用踰播琴膏溢塊編修臣通敏吹瑄

氣回苧旁雉磨耒編修臣把蘇青蠶徐澆轉轆轤場開依鹿

瞳檢家駒樊繞傍編修臣雞斂莖萊資同化編修臣王汝嘉蠶與醜

必誅灑灰兼辟蝥編修臣周承年布棘為防颺編修臣芳意盈臯隰

編修臣生機暢甲鬚滋秧牽翠帶編修臣孫辰東分界黃

余集編修臣生機暢甲鬚滋秧牽翠帶編修臣孫辰東分界黃

墟不遣香侵麝編修臣徐看蔓引蛛葉抽俄馬耳編修臣  
晉芳蹤長漸驪珠糾結紋青綠注如藻臣團團質盜  
壺鳳梭仙縷繫梁上國臣羯鼓御磔列喻以馬非馬  
揚昌霖臣辨諸飢不觚中土甜瓜臣多稜相鉤連子  
母劉路雲臣別種認魚鳥巨訝安期棗臣學錦枵伴惠  
子列雙冠看合縫之形稍尖而長者俗編修臣馬啓泰  
一目笑深臚名回國者俗斑駿狸頭編修臣項家達彭亨  
豕腹映曲肱宜作枕大如桃羣芳譜臣什蕭瓜曳尾  
證藏狐顏師古注漢書以爲瓜州大瓜狹入其中食  
前代妄渾脫凝金液編修臣楊壽梅周圓襯玉膚白輕羅登  
相傳說

雲編修臣黃襄卯含雜豐熟咸相報編修臣摯收亦  
競趨中田方藉稻編修臣令節乍囊萸風冷吹邊柳  
莫曉臣霜高落塞榆羌童冠白氎編修臣蕃女整紅  
襦約共褰衣褶九成臣嫌休納履絢微行遵復陳檢  
坦修臣侯旒踏平蕪啐啐誇摩掌編修臣繇繇慎舉跌  
踞拳童子拱修榜臣俛拾丈人痴望處黃團綴臣  
脉聖攤時線罽鋪儲藏歸廡臣錢樾擔負雜詭飲  
準直論園買臣嘗新計穎沾透迤驅五特臣  
胡敏臣輕輓駕雙輶臣捆載來墟落戴心亨駢闐溢市  
閣籃掀傾滿臣翟槐街鈴數餘蚨虎掌農家詡臣  
炎墨錄 卷十五 正

士臣張 驟網估客 須分曹堆礫 臣庶吉士 轉販越崎

同民曝瓜 為乾破 三條辦之 盤如 綾餽就 圓模木

食糧堪代 果代糧 庶吉士 能勤而能 儉每以 瓜 金穫口 易餽

預為終歲計 庶吉士 本 早得禦冬 需念此 安居樂 庶

文樞 皆因 愷 澤敷 獻芹 聊擬 宋 臣許 煥 包袖 欲

同吳別圃 分畦灌 李廷敬 臣 諸蕃 揀種 輸滋 秧勤 部

長章宗 瀛 摘蠹 課園 夫護 惜防 風露 羅修 源 臣 珮

藏比瑾瑜 點收 三百顆 戴均元 遠曆 九千 途土 貢

修惟謹 庶吉士 臣 山程 候不 逾馱 將紅 叱撥 臣 穆 晉

藉用錦韞 瑜玉塞 風煙迴 臣庶吉士 金城 道路 紆久 經

迴驛墩 臣庶吉士 周瓊 不待 驗關 繙譯 表陳 楓陛 臣庶吉士

登厨佐 筮蒲 升香 先 營廟 臣庶吉士 陳壻 用饗 備殷 瑚

在昔 山陵 薦 庶吉士 臣 深懷 歲月 徂 宸章 感

霜露 乾隆 癸亥 甲戌 兩年 聖駕 東謁 三陵 值吟

紀事 密貢 瓜至 俱 命親 王 賚 往 恭 薦 有 御 制 詩

敢覲 餽 何 期 恩 浩 湯 何 思 鈞 臣 福 使 衆 歡 愉 特

用傳 柏 例 庶吉士 臣 張 能 照 旁 霑 珥 筆 徒 今 冬 星 測 昂 臣 中 書

賓其 候 月 臨 辜 鈴 馱 遐 方 至 臣 菜 蘭 筠 籠 貢 使 扶 上

方纒 進 御 中 書 臣 王 鍾 泰 中 禁 忽 傳 呼 但 以 文 章 報 中 書 臣 田 尹 衡



無庸資格拘分甘同屢飲中書臣均惠不偏枯承乏

司抽簡中書臣臚歡類賜誦遙看喉早渴中書臣鏡

捧視先瞿選趾交評泊中書臣排頭任選掄後先爭

爾我中書臣張虎拜大小論肥臞拜賜齊擊中書臣書名

戒濫等擅衣多踴躍中書臣操刃肯脚闕拂拭登高

俎中書臣宋銛端詳破大輒滑防丸脫手中書臣剝比米

開稭四剖紋文坼中書臣三離瓣屈胸爭多量尺寸

吳裕中書臣惜少較錙銖圓割邊齊線中書臣斜尖角起

孤嫩黃疑撥蠟中書臣王慶長微楮訝搓酥到口泮先滴中書臣

斯咏經寒味不渝九霄餐沉瀣中書臣孫球一瓊飲醜糊

美覺中邊徹中書臣吳何華住難手口摹清泉浮如稱中書臣雷

神中書臣胡雪擬非誣攜出輿僮詡中書臣康儀鈞歸來婦孺娛流

還憐土液中書臣邱桂山碎亦惜金麩蒟莫誇南粵中書臣郭晉

梅休闕北盧芳鮮生使獨中書臣趙秉淵色味世皆無悅口

渠如許中書臣張曾效名州有以夫計條已食矣中書臣朱鈞徵

事果能乎中書臣冊府開奎壁中書臣盛惇詞源溯泗洙中書臣文淵

以儲文源中書臣仙洲登玉署中書臣特仿古制置領關事

諸職中書臣學海得金杼妍醜歸中書臣明鏡中書臣程瑛陶

鏘入化鑪丹青表忠孝中書臣吳紹灤斧鉞斥姦諛中書臣纂輯

一皆經錢中書臣欽定如前明劉宗周黃道周等並中書臣特

子表章其錢謙益屈大均等則皆明示誅絕以正人

心影彈大昭承於萬公九 賤質輕葑菲助教臣成材遜構櫨助教臣

身容像直胡予襄馬足愧顯愚編校研先哲羅萬選

文章怯大巫輕塵添岱華助教臣 徵溜益江湖七畧

警非易助教臣惟吉三餘學本迂鈍思拙乙乙助教臣 張義年舊

訓謹姝姝圖籍惟窺牖周銖 詩書但守株題柑慙

逸少學正昌譜嘉謝君謨姑昧輕疑茂陳木 甘英

誤寫莛技真羞綆短沈學 思每貸材駑諸臣校

嘗蒙格外寬宥似蠹仍容食待詔臣如蠅免見驅佳辰分

翰墨進士臣公膳飫肴膳陪宴同方朔總纂臣陸錫

校臣陸費堀每歲得恭預內 遷官過聖俞節臣逾格遷

廷聯句之列迨士臣繆琪

博臣錫麟臣的學費殊恩超擢手原非霹靂進上臣 樣只畫

蘆不料頰珍味進士臣 居然逮賤驅忽承天

尺進士臣錯訝夢須臾宜賜時纜午進士臣 賦詩

日漸晡咀含香尙在進士臣摹寫句偏羸欲就仍拳

乙進士臣靖本諛方吟忽囁喘撚髭心窅窅進士臣 又手步

躡躡語巧輸鸚鵡王事臣篇成笑珷玞沾恩同湛

露中官正臣效頌但皇恭感激惟銘刻候補部員歡

欣共唱喁誓將釐亥豕原任雲南布政永不憶尊鱸

刊誤文宜核原任中允程功數莫通補戈防曳白原

編修臣掃葉慎研朱禮洽吁萃鹿原任編修情均在

淡墨錄

藻鳧相期翊

事臣陸費墀

文治

原在太常寺主簿臣郭祚熾

萋奉咏岡梧少

淡墨錄卷十六

革去進士留舉人

福州 李調元 雨村

梁泉者廣東解元中乾隆三十四年會試第二十一名是科題爲子在陳曰歸與歸與一節其小講起云子言之歸乎君子隱而顯蓋用禮記坊表語而中又有肅慎之矢防風之骨皆有出處而與題實風馬牛是時廉勸正嚴而兵部尙書陸宗楷同御史王顯曾磨出疵謬之處至四十餘簽進 呈遂革去進士留舉人本房張曾做議處正副主考劉文定公綸少宰德

淡墨錄

卷十六

定圃先生皆察議顯曾亦旋以他事罷去

程髯

程晉芳號魚門由中書中辛卯進士出朱竹君先生門下年已六十選庶吉士改吏部驗封司主事袁子才云魚門學無所不窺而一生尤工于詩余寄懷云平生絕學都參徧第一詩功海樣深寄未一月而魚門自京歸信來亦云所學惟詩自信不謀而合可謂知己自知矣屢托余買屋金陵爲結鄰計不料在廣州孫補山中丞署告以魚門歿于陝西畢撫軍署中彼此泣下銜杯無權因思畢公一代宗工必能刻其

遺稿然魚門所輯戴園集僅十分之三耳乞假云官書百卷從擔去病牒三行有印鈴嗚呼此乾隆三十五年假歸見示近作也不意竟成永訣或傳程魚門京中移居詩云豪家歇馬評珍玩冷客攤錢問故書余笑曰此必琉璃廠也詢之果然程魚門多鬚納妾尹公子璞齋戲賀云鶯囀一聲紅袖近長鬚三尺老奴來文端公笑曰阿三該打程魚門北上旅店主人拓妓侑酒魚門與同飲而却其眠作詩曰花明野店春無主月黑秋林幸有燈潘筠軒笑曰次句有小說秉燭達旦之意

灰心得狀元

黃軒字 仁和人乾隆三十四年己丑狀元作秀才時屢試高等乙酉年上江學使梁璠峯愛其才以拔貢許之臨試之日頭暈目眩握筆一字不能下梁不得已以休寧縣生吳鶴齡代之及榜出後病乃霍然從此灰心于功名自望得一縣佐州判官心足矣後三年竟連捷以至廷試第一而吳鶴齡遠館濮水以傷寒病終于貢生吳門仇桐威曰中翰童君引年遊吳山遇雨投宿村農家老者曳一扇索書以輕之率意塗抹筆床茶竈竈字之誤書龜字孔雀

倒錯寫度鄉愚不諳文義未即改正詭托同年黃齡撰軒名歸之老者執扇視笑曰老者向以酒醞二字未有確對今扇頭茶龜二字豈非天造地設又審視久之曰村愚幼欠讀書未知雀孔是何物想即庚倉勞伯之類耶繼又肅然致敬曰中翰才名足冠宇宙何必嫁名殿撰必欲書渠姓氏稱呼倘煩斟酌黃軒者實愚老之門下士也童聞言顏汗如雨叩其名氏里居始知老者爲浙中名進士僑寓于吳十年矣

狀元是何物

陳初哲字永齋吳縣人乾隆三十七年壬辰進士殿

試第一甲第一名進士及第授修撰給假南歸行至  
甜水舖旁有小村槐樹濃陰野棠夾道顧而樂之信  
步獨行忘路遠近村盡處見竹扉半門一女倚扉斜  
立捩柳花搓弄嗔嗔笑陳見之魂飛色奪因兜搭  
與語女不怒亦不答但呼阿母來亡何一駝背媪出  
問何爲女曰不知何處來一莽漢在此煩絮陳窘盛  
以乞漿告媪曰小慧取一瓊涼水來女去陳曰令愛  
年幾何媪曰但記其生年屬虎不知幾何歲也問壻  
家爲誰曰未許陳曰女生有家久在膝下非長久計  
也這女取水至問其言謂媪曰此人不懷好意勿多

言媪曰聽與否在我何妨陳乃自夸我狀元也意在  
歎動媪曰狀元是何物陳曰進士第一名登金榜掌  
詞垣是爲狀元媪曰幾年一出陳曰三年一出女從  
旁笑曰我意狀元千古一人原來只三年一箇母此  
之女一笑竟去陳惘然久之旣而謂媪曰如不嫌敬  
留薄膳遂解囊中雙南金予之媪手摩再四曰喚之  
不香握之輒冰是爲何物陳曰此名黃金汝輩得之  
寒可作衣饑可作食媪曰吾家有桑百餘株有田數  
十畝頗不憂凍餒還與狀元言畢遂置之地闔扉而  
進陳癡立半晌嗟嘆而回

陳

陳久之復上京補官授

荆宜施道五十一年荆州大水冲城遂罷職勒令修城

開四庫全書

今上稽古右文于乾隆三十八年二月命開四庫館核定水樂大典訪購天下奇書着各省督撫採訪彙集上于朝仍命翰林注明月日俟呈覽辦竣後乃給還本家領回書進時派總裁總纂總校官等辦理書成欽定為四庫全書此三代漢唐以來未有之盛舉也于時各省紳士及在朝者紛紛奏進惟江浙為多而江浙各書家所奏尤多者惟鮑士恭為慈

柱汪啟淑馬裕四家為數至五六七百種上嘉之各賞內府古今圖書集成一部其進呈一百種以上者如江蘇周厚晴蔣曾瑩浙江吳玉埶孫仰曾汪汝璉以及朝紳之黃叔賢勵守謙紀昀並賞給內府初印佩文韻府各一部紀昀字曉嵐河間獻縣人丁卯解元甲戌進士由編修陞侍讀現派總纂官學問淵博考證精詳朝廷大著作皆出其手尤工四六凡賀表皆所濡定同官如陸耳山錫熊彭芸楮元瑞皆不及也

主考命題割裂

乾隆三十九年甲午科四川正主考爲編修漢青振  
燾副主考爲戶部郎中晴川戚夢生武進相國程文  
恭公景伊參奏試題漸趨佻巧割裂其最甚者如今  
年四川首題又曰新康誥曰六字牽上連下全無義  
理旣不足以見人之學問書卷而稍知機法者便可  
僥倖獲售請 勅部議嚴行禁止得 旨將正副主  
考官交部議處奪俸漢青安徽人余癸未同年進士  
也以其面烏而耳喬人呼爲張驢兒

撥房

乾隆四十年乙未科會試武進相國爲磨勘大臣奏

十九名錢兆鵬詩內才豈讓向雄豈字仄聲誤用入  
十四名許士煌首題旣入成湯語氣卽不應用周公  
孔子父象武王泰誓篇中語四十一名許日章學問  
者詞章之末語屬倒置 上以許士煌援引錯謬考  
官等不應取中交部嚴議許士煌罰停殿試三科錢  
兆鵬停殿試一科時御史孟邵奏許士煌原係詩三  
房李殿圖呈薦經主考取中撥入詩四房白麟名下  
今白麟旣照例議處而原薦房考轉得置身局外似  
覺偏枯 上題之名見軍機大臣詢以此事大學士  
于敏中奏曰向例撥房之卷原儘受撥之房考覆閱



若其文果當意方取交內監試改用薦條如闕有疵類不願受撥主考官亦不能相強上曰改撥之卷既由受撥房考閱定方換薦條即與本房呈薦無異且聽其自擇並非主考所能抑勒至受撥以後即認該房考爲房師與原薦之房無涉則功過皆當任之遇有處分乃所應得更不得謂之偏枯是此事惟在房考慎之于始勿以貪得門生率意濫受自致輕懼處分譬之各部院辦事司員如實有見不妥畫稿或與他人兩議原所常有若其言果是堂官亦當從之房考之于改撥試卷事正相類即有處分亦由人之

自取科場中委曲朕實不知而辦理庶務一衷于理之至是孟節所奏不必行也遂得免議節字鷺洲四川中江人與余己卯同年時相傳與李殿圖有隙故奏入之賴聖明洞鑒得不置議李殿圖字石渠直隸高陽人授編修

今夫且夫嘗思之

乾隆四十二年奉 上諭昨檢閱內廷舊存摺奏內有康熙五十六年詹事王奕清密奏請于考官入闈後即諭詹錄官凡七藝中破承開講等虛字槩不賸寫以防關節等語 上諭王奕清所奏自屬防弊之

一法但將破承起講等虛字槩不膽寫於文理既不  
明順且篇幅不完體制尤多未協朕思與其暗防弊  
竇不若明示章程况近今鄉會頭場改爲書藝三篇  
尤易防範嗣後令順天及各省主考官於刊發題目  
時卽酌定三篇內承題起講應用虛字明白開列另  
行刊印一紙分給舉子如此科首篇承題用夫字次  
篇用蓋字三篇用甚矣起講首篇用今夫次篇用且  
夫三篇用管思之類下科卽將此等承講虛字錯綜  
更換編聽主考臨期酌定俾衆共聞知通場一體遵  
用違者貼出如此於不齊之中寓以齊則雖欲暗藏

關節應無所施其伎倆而定以主考官酌定不出房  
官之手則士子無從摹擬不致別生弊竇於防範更  
爲周密至會試亦著照此例行並刊入科場條例

#### 候補員外放學政

學政缺出禮部開列現任人員其題從未有候補點  
放者丁酉八月適各省學政補放時余以議稿事被  
黜五月引見甫經特恩仍以原官補用尙未得  
缺奉旨廣東學政着李調元去真異數也次日謝  
恩蒙名見言及前事乃知翻以議稿愛上知  
而從前叅余大臣名見問李能衡文乎皆言余由

翰林出身能衡文 上正色謂諸大臣曰諸大臣中  
有敢為張居正嚴嵩者乎俱仰首奏言不敢是時袁  
清恪公亦在軍機謂余曰上今日 諭旨皆謂汝  
事也

子曰毋文

今上精于鑒別制義為千古帝王所未有乾隆四十  
四年順天鄉試首題為子曰毋放榜後金壇相國于  
敏中孫德裕中式舉人時 上在熱河德裕以大臣  
例得赴行在謝恩 上令將闈中詩文默出呈覽  
諭大臣曰雖大致尙屬清順但其首篇內朝廷自有

養賢之典何臣子偏為過激之詞小臣意在去取而  
大君馭富無權又今日之粟出之于國非出之于家  
國家無以報功而臣下實為多事等句俱與傳註不  
合朱註孔子為魯司寇時以思為宰是思乃孔子家  
臣九百之粟即夫子所與非受祿于魯國更非頒祿  
于周室也朝廷之語魯國尙不足以當之而况夫子  
之家乎又云夫子行芳志潔語非六經所有而以擬  
夫子更覺不倫此實認題不真及遣詞不當之故但  
恐通場類此者不免而今年鄉試揭曉適當木蘭秋  
彌迴蹕熱河之時闈中十魁卷例不先行進呈朕無

由得見因命軍機大臣取闈中所刻元魁卷前十名  
勘閱粘簽進呈大學士于敏中等隨取前十名簽呈  
上曰首名破題卽有尊國制所以重君恩之語其  
他如以功詔祿祿以馭富朝廷詔精之典國家之體  
制垂焉上尊政體下廣國恩計功詔祿國典攸關御  
廩之頒天家之餼等句十名中不可枚舉卽其中偶  
有敏及爲宰者亦未切實發揮均未能體會正僻設  
場中所取之文俱理精義足而于德裕獨以膚詞倖  
獲何難獨治其罪若其他字句或有可疑並無難嚴  
究其有無情弊茲闈中所取之文大率如此自不能

專治于德裕一人若因其德裕而兼及家人朕又不  
肯爲已甚之舉嗣後作文者各宜體認儒先傳說闡  
發題義試官閱卷亦當嚴爲甄別若再不能仰體朕  
意必令將此等齷齪詞句悉行磨勘再謂朕不戒視  
成也時諸臣無不服 睿鑒之公平

每經各出一題

乾隆五十二年十二月初二日 上召見彭元瑞據  
奏近日科場有傳卷聯號及彼此換卷謄錄對讀私  
改文字等弊 上命大學士九卿將彭元瑞所奏各  
弊及此尙有何項弊竇應如何杜漸防微設法釐剔

之處悉心妥議具奏部議得謹就近日科場情形察  
訪輿論於現行事例申明防範及舊例所無酌加嚴  
密逐一臚列條款恭呈 聖鑒一鄉會試二場向用  
經文四篇論一篇但各省定例俱係分經中式或一  
經佳卷較多或一經佳卷獨少考官按例取中未免  
爲經額所限致有偏枯且各經分載卷面其中或有  
暗藏關節之卷亦易於檢閱伏思士子束髮授書原  
應五經全讀現在鄉會兩試祇就各生所習之本經  
取中應試各生祇須將本經揣摩誦習即可倖中而  
於本經之外或竟致束書不觀殊非崇尚經術之道

自應於鄉會試二場酌改每經各出一題每人作經  
文五篇俾應試舉子咸讀五經以敦實學卽不安義  
命之徒賣緣關節勢不能盡人請托而通場卷面並  
不分經各房考亦斷不能緝閱全場將關節之卷檢  
出呈薦在主考憑文錄取毋庸復查照經額拘泥遷  
就於防閑關節甄錄佳卷均有裨益惟士子專習一  
經奉行已久明歲卽屆鄉場爲期甚近若卽改用五  
經考試在大省不乏兼通五經之人或可取中足額  
第恐邊省小省全讀五經者較少猝難通習或致二  
場不諳題解背謬經旨難於取中查宋臣朱熹有將

各經分年試士之義應先請仿照其法自明歲戊申  
鄉試爲始用易經出題次年己酉會試用書經出題  
以後按照鄉會科分將詩經春秋禮記依次出題考  
試並令各省學政於其科應用某經之年考試生員  
卽用某經出題鄉會五科之內以次考畢五經卽邊  
省小省經輪年考試之後亦俱能誦習五經曉悉義  
旨再於鄉會試二場裁去詁一篇五經各出一題此  
後卽作爲定例其生員歲試俟五科後令各學政不  
拘何經酌出一題隨後輪流問出至童生考試自明  
歲爲始仍復舊用四書文二篇裁去經文以歸畫一

謹奏奉 旨依議遂著爲令

拱落卷

乾隆五十四年己酉科會試正考官爲大學士韓城  
王相國杰副考官爲內閣學士鐵保冷亭向例同考  
官分十八房如本房無佳卷准考官搜中落卷中後  
始交本房補用薦條是以房官遇有疵類之卷僅自  
登記不批卷面以備考官搜取之地其中五名前者  
謂之五魁本科第二某第三某卽考官所搜中也揭  
曉後 上名見鐵保詢及以爲非 諭曰鄉會試額  
設正副考官及同考官原恐衡鑒未公互相防範卽

有疵類房官亦應發出質商果瑕不掩瑜方可錄取  
猶之督撫必待兩司卓薦若業經定取始交兩司補  
詳保無通同徇隱之弊若然則督撫已足何用兩司  
猶之考官已足何須十八房嗣後考官閱卷即將詩  
文優劣薦與不薦之故註明卷面正副考官亦將中  
與不中之故批於卷面俱交磨勘官覈閱具奏候  
旨定奪此次正副考官所搜中第二三名不得濫側  
前列着改列五十名後並將 諭旨頒刻各省闈場  
仰見 聖明無微不至

己酉科房考被叅

房官編修祝瑩浙江人所分卷東內有浙江四卷應  
迴避與他省卷換閱已換江南二卷尙應換江西二  
卷以足四卷之數瑩堅執不換曉曉不已考官韓城  
相國以形跡可疑且其房考薦卷多不佳不薦者多  
可搜取反縱肆乖張出言挾制心不可問請叅交部  
嚴議部議削職瑩大興人壬午順天解元先大夫掌  
北路副知時延請課子以子曰文莫命題反言川人  
不懂讀四書爲先大夫所逐卽其人也按籍凡文莫  
吾猶人也晉書樂肇論語駁曰燕齊謂勉強爲文莫  
此說甚異聊存之以廣見聞祝論本于此但不可以

命題

石韞玉

石韞玉字執如長洲人乾隆庚戌殿試第一甲第一名進士及第授修撰初韞玉負文章盛名而尤扶翼道學家置一紙庫名曰孽海凡遇得罪名教之書卽燒而投于庫中一日閱四朝聞見錄見有劾朱文公一疏其言逆毋欺君竊權樹黨並及闕中穢事有小人所斷不爲者乃敢形諸奏牋妄意誣蔑且編于書又料後人不信載文公謝罪一表以實之乃拍案大怒急誅諸婦脫臂上金條脫質錢五十千編搜坊肆

得三百七十餘部將投之火大回沈起鳳止之曰此事天下萬世自有公論譬執途人而指雪爲黑指溱爲白雖愚者亦知其謬何待曉曉置辨乎石曰此言誠然可爲智者道難與俗人言也卒燒之是科南闈石竟發解未幾大魁人以爲扶持名教之報云

考翰林眼鏡題

乾隆五十六年五月 上御正大光明殿大考翰林詩以眼鏡爲題限他字五言八韻 欽定一等二人 阮元吳省蘭二等十人胡長齡劉鳳誥陳嗣龍江廷珍劉鏞之蔡共武程昌期崔景儀吳樹本邵晉涵三

奕墨錄

卷十六

十四



等七十四人潘紹經陳崇本余集余廷掄謝振定劉  
種之陳萬青朱理游光繹曹振鏞裴謙周厚轅陳萬  
全祁韻士梁上國王天祿施杓李鈞簡泰承業邱庭  
澹王錫奎寇賚言祝孝承汪如洋吳廷選羅修源錢  
開仕顧德慶達椿張鵬展徐鑑汪彥博倪思洵盧蔭  
溥徐準史致光王觀文寧秦泉李傳熊錢樾蔡善述  
吳鼎雯戴聯奎陸伯焜錢斌羅俊馮集梧德生周枋  
甘立猷錢榮法式善謝墉德昌周維增朱紱關槐尹  
英圖李光雲繆晉程嘉謨李驥元楊祖純那彥成恭  
泰王坦修吳玉綸胡圖禮汪滋曉翟槐翁樹培邵玉

清汪鏞四等八人周瓊劉錫五邵瑛吳灼達林朱伊  
吳李鼎元永安不入等集蘭一人共九十六人侍講  
吳省蘭陞授詹事編修阮元陞授少詹事侍講曹城  
編修劉鳳誥吳樹本俱陞授侍讀學士修撰胡長齡  
侍讀陳嗣龍俱陞授侍讀學士編修汪廷珍檢討劉  
鏗之俱陞授侍讀編修曹振鏞雖考列三等以尚堪  
造就且係曹文植之子加恩陞授侍講編修邵晉涵  
檢討蔡其武俱陞授中允編修程昌期崔景儀俱陞  
授贊善其考列三等之少詹事恭泰降補侍讀少詹  
事羅修源降補右庶子侍讀學士達椿降補侍講侍

讀學士陳崇本降補侍讀侍講學士王坦修降補洗  
馬侍讀德昌侍讀陳萬年侍講文寧中允朱紱贊善  
劉種之裴謙俱各降留編修檢討法式善陸伯焜祁  
韻上俞廷掄汪彥博盧蔭溥王觀秦泉倪思淳俱以  
部屬錄用徐鑑尹英圖俱以知縣用至三等六十名  
以下經硃筆單點之程嘉謨李驥元楊祖純吳玉綸  
胡圖禮俱罰俸一年七十名以下之汪滋畹翟槐翁  
樹培邵玉清汪鏞俱罰俸二年考列四等之員詩賦  
俱屬庸謬觀其才俱尚可錄用之周燮劉錫五邵瑛  
吳灼李鼎元俱加八思以內閣中書用達林朱依昞

永安俱休致不入等之侍講學士集蘭着革職此因  
黜隙一出 睿慈皆視眼鏡詩以爲去取而眼鏡自  
來從未有出詩題者其時風簷寸晷有茫然不知眼  
鏡出處者多矣驥元鼎元皆余嫡堂弟驥元以列三  
等奪罰鼎元雖列四等而猶得中書亦萬幸也阮元  
字芸臺儀徵人已酉進士其詩獨爲 睿賞故列第  
一云

魁卷有序

向來各省魁卷有圈點批語亦有不批者然從無序  
文乾隆五十九年甲寅四川主考正刑部郎中范攝

山鑿吳縣人副左中允余秋室集仁和人出關過綿見示魁卷始有序云蜀地夙稱才藪以制舉之文相蜀士未足以盡蜀士也制舉之文有師承有習尙不同矣以一日之作相蜀士制舉之文亦不足以盡蜀士制舉之文也顧功令所在屬之以題限之以日額之以數而進退之作者如是而止闕者亦如是而止作者寸陰而短屋也闕者亦陣馬而風帆也懼兩相負矣今姑就闕者之意以逆作者之志取如數又刻其尤雅者如千首以誌蜀之人士夫予之所進即前日之所退今之所退又異日之所進也將謂進者

之所取爲當乎則以爲伐柯之則可也抑以爲不當乎則以資覆瓿之用亦無不可也乾隆甲寅八月下浣成都衡文堂記是科解元黃多益先慶人示以書爲益者三友章故改名應之榜發果中第一

乙卯弟兄會狀

乙卯會試總裁爲禮部侍郎諸城寶東臯光龍副爲武進劉侍郎躡雲祭酒正白旗瑚圖禮榜發會元爲歸安王以銘二名卽其弟以銜上闕進呈卷見一二皆弟兄心異之及觀會元參也會句文有一日萬幾思兼四事以曾未爲帝王不應用人君語抑置榜

末申飭主司闕文老悖且天下人才衆矣何以弟兄  
 聯名居首降 旨實以四品休致劉瑚各降四級及  
 船訊進呈閱定拆卷則狀元乃王以銜也 上始  
 釋然

末申曾主司賜文老侍且天下人才衆矣何以弟兄  
職名居首降 旨責以四品休致劉瑒各降四級及  
如賦選至開定折卷別狀元乃王以衡也 上始  
釋然

